


ESTRUTURA ORGÂNICA DO IX GOVERNO CONSTITUCIONAL





IX GOVERNO CONSTITUCIONAL

Primeiro-Ministro

Serviço Nacional de Inteligência

Comissão Interministerial de Segurança

Centro Integrado de Gestão de Crises

Gabinete das Fronteiras Terrestres e Marítimas

Vice Primeiro-Ministro

Vice Primeiro-Ministro

Ministro Coordenador dos Assuntos Económicos e Ministro do Turismo e Ambiente

Ministro Coordenador dos Assuntos Sociais e Ministro do Desenvolvimento Rural e Habitação Comunitária

Secretário de Estado da Formação Profissional e Emprego
Secretário de Estado das Cooperativas

- CNEFP Tibar
- CNFP Becora
- INDMO
- Inspeção Geral do Trabalho
- AIFAESA
- Instituto para a Qualidade de Timor-Leste
- Centro de Convenções de Dili - CCD
- Instituto do Bambu
- SERVE
- Comissão Nacional para a Facilitação do Comércio
- IADE

- Tradeinvest
- GESPIN – Gestão de Parques Industriais
- Centro Logístico Nacional
- Autoridade de Turismo de Timor-Leste
- Centros de Turismo e de Informação Turística
- Centros de Restauração / Food Courts
- Pousadas
- Autoridade Nacional de Licenciamento Ambiental
- Autoridade Nacional Designada para o Combate às Alterações Climáticas

- Comissão Nacional do Desporto
- Comissão Reguladora das Artes Marciais
- Serviço de Apoio à Sociedade Civil e Auditoria Social

- Instituto Nacional de Combate ao HIV/SIDA
- Instituto para a Defesa dos Direitos da Criança
- Unidade de Missão para o Combate ao Stunting

- Imprensa Nacional de Timor-Leste
- RTTL
- TATOLI
- Comissão da Função Pública
- AMRT
- Centro Nacional Chega!
- Inspeção Geral do Estado

- Autoridade Tributária
- Autoridade Aduaneira
- Instituto Nacional de Estatística
- Millenium Challenge Account – Timor-Leste

- Agência de Cooperação de TL
- Instituto de Estudos Diplomáticos

- Centro de Formação Jurídica e Judiciária
- Comissão de Terras e Propriedades
- Policia Científica de Investigação Criminal
- Defensoria Pública
- Comissão de Luta Contra o Tráfico de Pessoas

- Centros de Acolhimento Multifunção
- STAE
- Arquivo Nacional TL
- Instituto Nacional da Administração Pública - INAP
- FEDA

- Hospitais SNS
- SAMES
- Instituto Nacional de Saúde Pública
- Serviço Nacional de Ambulância e Emergência Médica
- Laboratório Nacional de Saúde

- Comissão Nacional da UNESCO
- INFORDEPE
- Comité Orientador 25

- UNTL
- Instituto Politécnico Betano
- Instituto Nacional de Ciência e Tecnologia
- Agência Nacional para a Avaliação e Acreditação Académica

- IGIADI
- EDTL
- BTL
- Laboratório Nacional para Garantir a Qualidade das Infraestruturas

Ministro da Presidência do Conselho de Ministros

Ministra das Finanças

Ministro dos Negócios Estrangeiros e Cooperação

Ministro da Justiça

Ministro da Administração Estatal

Ministra da Saúde

Ministra da Educação

Ministro do Ensino Superior, Ciência e Cultura

Ministro dos Assuntos dos Combatentes da Libertação Nacional

Ministro das Obras Públicas

Vice-Ministro dos Assuntos Parlamentares

Vice-Ministro das Finanças

Vice-Ministra para os Assuntos da ASEAN

Vice-Ministro da Justiça para o Fortalecimento Institucional

Vice-Ministro da Administração Estatal

Vice-Ministro para o Fortalecimento Institucional da Saúde

Vice-Ministro para a Operacionalização dos Hospitais

Secretário de Estado dos Veteranos

Vice-Ministro para as Infraestruturas

Secretário de Estado da Comunicação Social

Secretário de Estado de Terras e Propriedades

Secretário de Estado dos Assuntos de Toponímia e Organização Urbana

Secretário de Estado do Ensino Secundário Geral e Ensino Secundário Técnico-Vocacional

Secretário de Estado da Eletricidade, Água e Saneamento

Secretária de Estado da Igualdade

Secretário de Estado do Desenvolvimento Local

- APORTIL
- ANATL
- AACTL
- ANC
- TIC TIMOR

- IDN
- Autoridade Marítima Nacional

- ANPM
- IPG
- TIMOR GAP
- Companhia Mineira

- Autoridade de Proteção Civil

- INSS
- FRSS
- Centro Nacional de Reabilitação

- Museu Nacional de Timor-Leste
- Biblioteca Nacional de Timor-Leste

- ADN
- Secretariado dos Grandes Projetos
- Comissão Nacional de Aprovisionamento
- Secretariado Técnico do Fundo de Desenvolvimento do Capital Humano

Ministro dos Transportes e Comunicações

Ministro do Comércio e Indústria

Ministro da Agricultura, Pecuária, Pesca e Florestas

Ministro da Defesa

Ministério do Petróleo e Recursos Minerais

Ministro do Interior

Ministra da Solidariedade Social e Inclusão

Ministro da Juventude, Desporto, Arte e Cultura

Ministro do Planeamento e Investimento Estratégico

Vice-Ministro do Comércio

Secretário de Estado das Pescas

Secretário de Estado da Pecuária

Secretário de Estado das Florestas

Secretário de Estado da Proteção Civil

Vice-Ministra da Solidariedade Social e Inclusão

Secretário de Estado da Arte e Cultura



GOVERNUN KONSTITUSIONÁL IX

Dekretu-Lei nu. 46/2023

Loron 28 fulan-julhu

Orgánika Governu Konstitusionál IX

Loron 1 fulan-jullu tinan 2023, Governu Konstitusionál IX simu ona pose ho mandatu ida-ne'ebé Povu Timoroan fó ba nia hodi iha tinan lima oinmai, kontinua dalan ba dezenvolvimentu sosiál no ekonómiku ne'ebé durante ne'e la realiza. Tanba ne'e, Governu Konstitusionál IX liuhusi ninia instrumentu polítiku ne'ebé aprova ona, durante tinan lima ba oin, Governu sei hala'o fali roteiru ne'ebé define ona husi Timor-Leste hodi kumpre" Ajenda tinan 2030 Dezenvolvimentu Sustentavel Organizasaun Nasoins Unidas nian" no Planu Estratéjiku Dezenvolvimentu (2011-2030), ho objetivu atu alkansa progresu konkretu ba dezenvolvimentu sustentavel no dezenvolvimentu sosiál ne'ebé efetivu.

Diversifikasaun ekonómika no kriasaun empregu sai prioridade Governu Konstitusionál IX, hodi hatán ba nesesidade populasaun nian. Nune'e mós, Governu sei investe ho efikás no eficiente, iha área fundamentál tolu: kapitál sosiál, dezenvolvimentu infraestruturas no dezenvolvimentu ekonómiku, bazeia ba kuadru institusionál ne'ebé promove kompeténsia, profisionalizmu, onestidade no transparénsia. Asuntu ne'e, reflète iha ninia Programa, ne'ebé haree liu ba temátika infraestruturas bázikas no sei buka atu fó énfaze ba ekonomia, hanesan fatór krusiál no vitál ba dezenvolvimentu Nasaun, liuhusi agrikultura, peskas, pekuária, turizmu no inisiasaun ba indústria ki'ik

no média, atu redús ho neinek importasaun ba beins no produktu, ne'ebé bele prodús iha país rasik.

Atu kumpre prioridade sira-ne'e, ne'ebé ho karakter transversal ba áreas governasaun nian, presiza Governu ida ne'ebé dinámiku, kolaborativu, no koordena ho di'ak tuir setór, no ezije atribuisaun ba membrus Governu oioin hodi asegura katak área governamental hotu-hotu kolabora iha elaborasaun ba programasaun, katak sira partisipa ho ativu iha programa ne'e no katak ritmu husi ninia ezekusaun korresponde ba programasaun ne'ebé hein. Importánsia kolaborasaun ne'e manifesta mós iha ezersísiu poder administrativu konjuntu ka koordenadu, ne'ebé partilla husi membrus Governu oioin, depende ba sira-nia área intervensaun.

Lei orgánika Governu ne'e nian la'ós de'it reflète ba ninia estrutura réal, maibé mós nu'udar espresaun husi filozofia ne'ebé forma nia. Tanba ne'e, diploma ne'e la'ós reflète de'it organizesaun ne'ebé adekuada liu ba ezekusaun Programa ne'e, ne'ebé inklui área no programa transversal ba área governativa oioin, maibé hatán mós ba ezijénsia lejizlatura ida-ne'e nian.

Tanba ne'e, estrutura Governu Konstitusionál IX mai atu hatán ba imperativu sira-ne'e, hodi posibilita foku ida ne'ebé boot tebes iha prestasaun servisu báziku ba timoroan sira, ein partikulár, maibé la'ós de'it, iha saúde, edukasaun, aperfeisoamentu metodolojia no operasionalidade administrasaun no jestaun nune'e mós, implementasaun Planu Estratéjiku Dezenvolvimentu nian.

Haree ba asuntu ne'ebé temi iha leten, dekretu-lei ida-ne'e aprova estrutura orgánika Governu Konstitusionál IX nian, ne'ebé define atribuisaun sira ne'ebé kontinua halo husi Ministériu ida-idak no atribui kompeténsia ba membrus Governu, tuir prioridade sira ne'ebé hatuur ona iha ninia Programa.

Tanba ne'e,

Governu dekreta, tuir n. 3 husi artigu 115.º Konstituisaun Repúblika nian, atu sai hanesan lei, hanesan tuirmai ne'e:

KAPÍTULU I

ESTRUTURA GOVERNU

Artigu 1.º

Objetu

Diploma ida-ne'e aprova estrutura orgánika Governu Konstitusionál IX.

Artigu 2.º

Estrutura

Governu konstitui husi Primeiru-Ministru, Vise-Primeirus-Ministrus, Ministrus, Vise-Ministrus no Sekretáriu Estadu.

Artigu 3.º

Vise Primeirus-Ministrus no Ministrus

1. Governu ne'e integra Vise-Primeiru-Ministru rua:
 - a) Vise-Primeiru-Ministru no Ministru Koordenadór Asuntus Ekonómikus no Ministru Turizmu no Ambiente;
 - b) Vise-Primeiru-Ministru, Ministru Koordenadór Asuntus Sosiais no Ministru Dezenvolvimentu Rurál no Abitasaun Komunitária.
2. Governu ne'e integra Ministru sira hanesan tuirmai:
 - a) Ministru Prezidénsia Konsellu Ministrus;
 - b) Ministra Finansas;
 - c) Ministru Negósius Estranjeirus no Kooperasaun;
 - d) Ministru Justisa;
 - e) Ministru Administrasaun Estatál;
 - f) Ministra Saúde;
 - g) Ministra Edukasaun;
 - h) Ministru Ensinu Superiór, Siénsia no Kultura;

- i) Ministru Asuntus Kombatentes Libertasaun Nasionál;
 - j) Ministru Obras Públikas;
 - k) Ministru Transportes no Komunikasoins;
 - l) Ministru Turizmu no Ambiente;
 - m) Ministru Komérsiu no Indústria;
 - n) Ministru Dezenvolvimentu Rurál no Abitasaun Komunitária;
 - o) Ministru Agrikultura, Pekuária, Peska no Florestas;
 - p) Ministru Defeza;
 - q) Ministru Petróleu no Rekursus Minerais;
 - r) Ministru Interiór;
 - s) Ministra Solidariedade Sosiál no Inkluzau;
 - t) Ministru Juventude, Desportu, Arte no Kultura;
 - u) Ministru Planeamentu no Investimentu Estratéjiku;
3. Vise-Primeiru-Ministru no Ministru Koordenadór Asuntus Ekonómikus, nu'udar mós Ministru Turizmu no Ambiente.
4. Vise-Primeiru-Ministru no Ministru Koordenadór Asuntus Sosiais, nu'udar mós Ministru Dezenvolvimentu Rurál no Abitasaun Komunitária.

Artigu 4.º

Vise-Ministrus no Sekretáriu Estadu

Ministru balun ne'ebé temi iha artigu anteriór, bainhira hala'ó sira-nia funsaun hetan tulun husi Vise-Ministrus no Sekretáriu Estadu:

- a) Ministru Prezidénsia Konsellu Ministrus hetan tulun husi Vise-Ministru Asuntus Parlamentares, Sekretáriu Estadu Komunikasaun Sosiál no husi Sekretária Estadu Igualdade;
- b) Ministru Koordenadór Asuntus Ekonómikus hetan tulun husi Sekretáriu Estadu Formasaun Profisionál no Empregu no husi Sekretáriu Estadu Kooperativas;
- c) Ministra Finansas, hetan tulun husi Vise-Ministru Finansas;
- d) Ministru Negósius Estranjeirus no Kooperasaun hetan tulun husi Vise-Ministra ba Asuntus ASEAN;

- e) Ministru Justisa hetan tulun husi Vise-Ministru ba Fortalesimentu Institusionál no husi Sekretáriu Estadu Terras no Propriedades;
- f) Ministru Administrasaun Estatál hetan tulun husi Vise-Ministru Administrasaun Estatál, Sekretáriu Estadu Asuntus Toponímia no Organizasaun Urbana no husi Sekretáriu Estadu Dezenvolvimentu Lokál;
- g) Ministra Saúde hetan tulun husi Vise-Ministru ba Fortalesimentu Institusionál Saúde no husi Vise-Ministru ba Operasionalizasaun Ospitais;
- h) Ministra Edukasaun hetan tulun husi Sekretáriu Estadu Ensinu Sekundáriu Jerál no Ensinu Sekundáriu Tékniku-Vokasionál;
- i) Ministru Asuntus Kombatentes Libertasaun Nasionál hetan tulun husi Sekretáriu Estadu Veteranus;
- j) Ministru Obras Públikas hetan tulun husi Vise-Ministru ba Infraestruturas no husi Sekretáriu Estadu Eletrisidade, Bee no Saneamentu;
- k) Ministru Komérsiu no Indústria hetan tulun husi Vise-Ministru Komérsiu;
- l) Ministru Agrikultura, Pekuária, Peska no Florestas hetan tulun husi Sekretáriu Estadu Peskas, Sekretáriu Estadu Pekuária no hosi Sekretáriu Estadu Florestas;
- m) Ministru Interiór hetan tulun husi Sekretáriu Estadu ba Protesaun Sivíl;
- n) Ministra Solidariedade Sosiál no Inkluzan hetan tulun husi Vise-Ministra Solidariedade Sosiál no Inkluzan
- o) Ministru Juventude, Desportu, Arte no Kultura hetan tulun husi Sekretáriu Estadu Arte no Kultura.

Artigu 5.º
Konsellu Ministrus

1. Konsellu Ministrus prezide husi Primeiru Ministru no integra mós, aléinde nia, Vise-Primeiru Ministru rua ne'e no Ministrus.
2. Exetu determina kontráriu husi Primeiru-Ministru, Vise-Ministru Asuntus Parlamentares partisipa iha sorumutuk Konsellu Ministrus, laiha direitu ba votu,
3. Vise-Ministrus rua ne'e no Sekretáriu Estadu sira seluk ne'ebé maka, dalaruma bele simu konvokatóriu, ho indikasaun klara hosi Primeiru-Ministru, hodi partisipa iha Konsellu Ministrus, laiha direitu ba votu, exetu bainhira substitui Ministru ne'ebé sira ajuda.
4. Konsellu Ministrus ninia kompeténsia mak liu husi rezolusaun, aprova regra sira kona-ba ninia organizaun no funsionamentu.
5. Konsellu Ministrus mós iha kompeténsia atu deside kona-ba kriaun komisaun, permanente ka eventuál, atu analiza projetu aktu lejizlativu ka polítiku sira ka atu apresenta rekomendasoins ba Konsellu ne'e.

KAPÍTULU II
KOMPETÉNSIA MEMBRUS GOVERNUNIAN

Artigu 6.º
Primeiru-Ministru

1. Primeiru-Ministru iha kompeténsia rasik no kompeténsia ne'ebé Konsellu Ministrus delega ba nia, tuir Konstituisaun no Lei.
2. Primeiru-Ministru iha kompeténsia esepesiál atu:
 - a) Xefia Governu no prezide Konsellu Ministrus;
 - b) Dirije no orienta polítika jerál Governu nian no asaun governativa hotu-hotu;

- c) Representa Governu no Konsellu Ministrus iha ninia relasaun ho Prezidente Repúblika no Parlamentu Nasionál;
- d) Koordena sistema integradu ba seguransa nasionál;
- e) Orienta polítika jerál Governu nian iha área defeza, seguransa no intelijénsia nasionál;
- f) Orienta polítika jerál Governu nian iha nia relasaun ho nasaun seluk no representa Governu iha comunidade internasionál;
- g) Orienta polítika adezaun ba ASEAN;
- h) Orienta partisipasaun Timor-Leste nian iha organizasaun intergovernamentál g7+, ho objetivu halo rezolusaun pasífika ba konflitu no estabelese estratéjia promosaun ba pás, demokrasia no dezvoltimentu nasaun sira nian;
- i) Orienta polítika jerál Governu nian iha área jestaun finanseira, inklui setór bankáriu, sistema fiskál no investimentu Fundu Mina-Rai;
- j) Lidera prosesu negosiál ho Indonézia, kona-ba fronteiras terrestres no marítimas;
- k) Lidera ezekusaun projetu 'Tasi Mane' hodi promove kriaun estruturas jurídikas no institusionais, no afetasaun rekursus ne'ebé konsidera nesesáriu ka adekua ba projetu ne'e;
- l) Lidera prosesu negosiál kona-ba modelu dezvoltimentu iha kampu 'Greater Sunrise' ka matéria sira seluk ne'ebé relasiona ho ezersíu jurisdisaun iha Tasi Timor, nune'e mós iha área "Rejime Espesiál *Greater Sunrise* nian" tuir tratadu Fronteiras Marítimas entre Repúblika Demokrátika Timor-Leste ho Commonwealth Austrália;
- m) Lidera no koordena dezvoltimentu no implementasaun ba polítika "Ekonomia Azul";
- n) Ezerse podér tutela nian kona-ba Rejiaun Administrativa Espesiál Oekusi Ambenu no Zona Espesiál Ekonomia Sosiál Merkadu Oekusi Ambenu no Atauru;
- o) Promove fortaleimentu institusionál Estadu;
- p) Ezerse kompeténsia sira seluk ne'ebé prevee iha Konstituisaun no iha lei no kompeténsia hirak ne'ebé la atribui ba membru Governu sira seluk.

3. Nu'udar Xefe Governu, Primeiru-Ministru iha podér atu fó-sai diretiva ba kualkér membru Governu no foti desizaun sira kona-ba matéria hirak ne'ebé inklui ona iha áreas ne'ebé afeta ba kualkér Ministériu ka Sekretaria Estadu, nune'e mós kria komisaun ka grupu serbisu eventuál ka permanente ba asuntu sira ne'ebé sai hanesan kompeténsia Governu nian.
4. Iha ninia auzénsia ka impedimentu sira, Primeiru-Ministru sei substitui husi Vice-Primeiru-Ministru ne'ebé sei dezigna ka, husi membru Governu tuirmai, tuir orden presedénsia sira ne'ebé estabelese ona iha n. 2 hosi artigu 3.º, no hanesan ne'e tuirmai.

Artigu 7.º

Vise-Primeirus-Ministrus

1. Vise-Primeiru-Ministru rua ne'e koloka tuir presedénsia institusionál no protokolár, tuir kedas Primeiru-Ministru no antes Ministru Prezidénsia Konsellu Ministrus, Ministrus no membru Governu sira seluk.
2. Vise-Primeiru-Ministru rua ne'e fungsionalmente depende ba Primeiru-Ministru no polítikamente subordina ba Primeiru-Ministru.
3. Vise-Primeiru-Ministru rua ne'e laiha kompeténsia rasik, exetu ba ida-idak nia gabinete, no sira ezerse, iha kazu ida-idak, kompeténsia sira ne'ebé delega ba sira husi Primeiru-Ministru ka husi Konsellu Ministrus.
4. Iha sira-nia auzénsia ka impedimentu sira, Vise-Primeiru-Ministru rua ne'e sei substitui husi Ministru ne'ebé Primeiru-Ministru sei dezigna, liuhusi proposta husi Vise-Primeiru-Ministru ne'ebé atu hetan substituisaun.

Artigu 8.º

Kompeténsia Ministrus

1. Ministru sira iha kompeténsia rasik no kompeténsia ne'ebé tuir lei, sira sei hetan delegasaun husi Konsellu Ministrus ka Primeiru-Ministru.
2. Ministru ida-idak sei substitui husi Ministru seluk ka Vise-Ministru ka Sekretáriu Estadu ne'ebé integra an iha ministériu ne'ebé

hanesan ba sira-nia auzénsia ka impedimentu sira, ne'ebé dezigna husi Primeiru-Ministru, tuir proposta hosi Ministru ne'ebé sei hetan substituisaun.

Artigu 9.º

Kompeténsia Vise-Ministrus no Sekretáriu Estadu

1. Vise-Ministrus no Sekretáriu Estadu la iha kompeténsia rasik, exetu ba ida-idak nia gabinete, no sira ezerse, iha kazu ida-idak, kompeténsia hirak ne'ebé delega ba sira husi ninia Ministru.
2. Vise-Ministrus no Sekretáriu Estadu fungsionalmente depende ba ninia Ministru no polítikamente hakruuk ba Ministru ne'e.
3. Ministru sira mantén responsabilidade política no podér avokasaun kona-ba kompeténsia ne'ebé sei delega ba sira.
4. Sekretáriu Estadu sira ne'ebé fó tulun ba Ministru Koordenadór Asuntus Ekonómikus iha kompeténsia rasik ne'ebé sei konsagra iha lei orgánika ida-idak no kompeténsia ne'ebé, tuir lei, Konsellu Ministrus ka Ministru Koordenadór Asuntus Ekonómikus sei delega ba sira.
5. Sekretária Estadu Igualdade iha kompeténsia rasik ne'ebé sei konsagra iha lei orgánika ida-idak no kompeténsia ne'ebé, tuir lei, Konsellu Ministrus, ka Ministru Prezidénsia Konsellu Ministrus sei delega ba nia.

Artigu 10.º

Solidariedade no konfidensialidade

1. Membro Governu sira hotu vinkula hosi deliberasaun sira ne'ebé foti iha sorumutuk Konsellu Ministrus nian, nune'e mós devér konfidensialidade kona-ba agenda, konteúdu debate no pozisaun sira ne'ebé asume iha ne'ebá.
2. Exetu ba efeito konsulta pública, audisaun no negosiasaun, ne'ebé prevee iha lei ka ne'ebé deside husi Konsellu Ministrus, impede divulgasaun ba matéria ne'ebé submete ona ka sei submete ba apresiasaun husi Konsellu Ministrus ka sorumutuk preparatória refere.

KAPÍTULU III
ORGÁNICA GOVERNU
SEKSAUN I

Servisu no organizmu ne'ebé depende ba Primeiru-Ministru

Artigu 11.º

Servisu no organizmu ne'ebé depende ba Primeiru-Ministru

1. Prezidénsia Konsellu Ministrus nu'udar departamentu governamentál ne'ebé prezide husi Primeiru-Ministru, ho nia misaun atu fó apoiu ba Konsellu Ministrus no ba membru Governu sira ne'ebé integra iha laran, no mós atu promove koordenasaun ho departamentu governamentál sira seluk.
2. Servisu, entidade, organizmu no estrutura sira ne'ebé integra ona iha Prezidénsia Konsellu Ministrus, Primeiru-Ministru maka sei tutela, no bele delega ninia kompeténsia ba Ministru Prezidénsia Konsellu Ministrus.
3. Órgaun no servisu sira ne'ebé kompoin Prezidénsia Konsellu Ministrus maka sira ne'ebé define ona iha ninia lei orgánika.
4. Sein prejuízu ba fakuldade delegasaun, servisu no organizmu sira tuirmai Primeiru-Ministru maka sei tutela:
 - a) Servisu Nasionál Intelijénsia (SNI)
 - b) Komisaun Interministeriál Seguransa;
 - c) Sentru Integradu Jestaun Krize (SIJK);
 - d) Gabinete Fronteiras Terrestres no Marítimas.

Seksaun II

Ministru Prezidénsia Konsellu Ministrus

Artigu 12.º

Ministru Prezidénsia Konsellu Ministrus

1. Ministru Prezidénsia Konsellu Ministrus fó tulun ba Primeiru-Ministru iha Prezidénsia Konsellu Ministrus no iha koordenasaun ho Governu, asume funsaun nu'udar portavós Governu no Konsellu Ministrus nian, no mós iha konsesaun, ezekusaun, koordenasaun no avaliasaun ba polítika ne'ebé define no aprova ona husi Konsellu Ministrus, iha área asuntos parlamentares, komunikasaun sosiál no igualdade jéneru.
2. Kompeténsia Ministru Prezidénsia Konsellu Ministrus nian atu:
 - a) Koordena preparasaun no organizasaun serbisu governamentál nian, no mós akompañamentu no avaliasaun kona-ba ezekusaun ba desizaun sira ne'ebé Konsellu Ministrus foti;
 - b) Koordena apoiu no konsulta jurídika ba Konsellu Ministrus.
3. Aleinde funsaun sira ne'ebé temi ona iha número anteriór no funsaun sira seluk ne'ebé delega husi Konsellu Ministrus ka husi Primeiru-Ministru ba nia, Ministru Prezidénsia Konsellu Ministrus nia kompeténsia mós atu:
 - a) Koordena prosesu lejizlativu no regulamentár Governu nian;
 - b) Prepara projetu diploma legál no regulamentár Governu nian, iha koordenasaun ho ministru competente sira kona-ba matéria ne'e;
 - c) Analiza projetu diploma legál no regulamentár Governu nian, ne'ebé submete husi ministru competente sira, ba apresiasaun no aprovasaun husi Konsellu Ministrus;
 - d) Asegura servisu kontensiozu Estadu nian;
 - e) Koordena representasaun Estadu nian ho mandatóriu judisiál, iha prosesu ne'ebé Estadu hola parte ba;
 - f) Nomeia advogadu ka representa Estadu, iha arbitrajen, mediasaun, konsiliaun no konfliktu la jurizdisionál, tuir lei;

- g) Prepara resposta, serbisu hamutuk ho ministériu competente ba prosesu fiskalizaun konstitusionalidade no legalidade nian;
- h) Representa Konsellu Ministrus ka Primeiru-Ministru, bainhira sira decide nune'e iha komisaun ne'ebé espesialmente kria ona;
- i) Halo estudu kle'an kona-ba reforma lei, uniformizasaun no armonizasaun lejizlativa no mós avaliasaun ba nesesidade intervensaun governamentál ka Parlamentu Nasionál nian;
- j) Propoin no promove modernizasaun ba prosedimentu lejizlativu;
- k) Jere sistema teknolojia informasaun Governu nian no aseguira prestasaun ba ninia servisu sira, iha artikulasaun ho Departamentu Governamentál competente sira;
- l) Koordena, iha artikulasaun ho ministrus kompetentes halo reforma ba polítikas públikas no dezenvolvimentu ba projetu sira ho natureza intersetoriál, ne'ebé bele determina husi Primeiru-Ministru ka husi Konsellu Ministrus;
- m) Promove hodi akompaña, iha koordenasauun ho departamentu governamentál relevante sira, efikásia ajuda esterna;
- n) Propoin medidas política ne'ebé promove reforma administrativa, liu-liu, liuhusi rekursu instrumentu *e-government* nian, nune'e mós garante koordenasauun no monitorizasaun ba implementasaun medida hirak ne'e;
- o) Asegura, nu'udar medida hodi promove asesu ba diretu husi sidadaun sira no iha artikulasaun ho Ministériu Justisa, servisu espesializadu ba tradusaun jurídika ne'ebé responsabiliza ba uzu lian ofisiál sira, iha áreas direitu nian;
- p) Asegura koordenasauun regular ho Parlamentu Nasionál;
- q) Representa Governu iha Konferénsia Representante Bankadas Parlamentares no iha sesaun plenária Parlamentu Nasionál nian, bainhira Primeiru-Ministru ka Ministrus kompetentes auzente ka iha impedimentu ruma kona-ba matéria ne'e;
- r) Propoin Política no elabora lejizlasauun no regulamentasaun nesesária iha área komunikasaun sosiál;
- s) Ezerse superintendénsia (tau-matan) no tutela órgaun komunikasaun sosiál sira Estadu nian;

- t) Koordena hodi disemina informasaun kona-ba programa no asaun sira Governu nian;
 - u) Promove igualdade jéneru iha lei sira, polítika públikas, planu estratéjiku no operasionál, programa governamentál sira no Orsamentu Jerál Estadu, sensibilizasaun ba públiku kona-ba kestaun igualdade jéneru no inkluzau hodi halakon diskriminasaun no violénsia hasoru feto no labarik no promove partisipasaun feto sira iha vida política no Sosioekonómiku nasionál.
4. Ministru Prezidénsia Konsellu Ministrus funksionalmente depende ba Primeiru-Ministru no sujeitu ba orientasaun polítika Primeiru-Ministru nian.
5. Servisu no organizmu sira ne'ebé sujeita ba superintendénsia no tutela Ministru Prezidénsia Konsellu Ministrus nian mak:
- a) Imprensa Nasionál Timor-Leste, I.P. (INTL);
 - b) Rádiu no Televizaun Timor-Leste E.P. (RTTL, E.P.);
 - c) TATOLI - Ajénsia Notisioza Timor-Leste, I.P.;
 - d) Komisaun Funksaun Públika (KFP)
 - e) Arkivu no Muzeu Rezisténsia Timorensa (AMRT);
 - f) Sentru Nasionál Chega! I.P.;
 - g) Inspesasaun-Jerál Estadu (IJE).

Seksaun III

Ministru Koordenadór Asuntus Ekonómikus.

Artigu 13.º

Ministru Koordenadór Asuntus Ekonómikus.

1. Ministru Koordenadór Asuntus Ekonómikus tulun Primeiru-Ministru iha koordenasaun no supervizaun ho membru Governu sira ne'ebé responsavel ba ezekeusaun polítika iha área governasaun ekonómika, maka hanesan:
- a) Ministériu Komérsiu no Indústriia;

- b) Ministériu Turizmu no Ambiente;
- c) Ministériu Agrikultura, Pekuária, Peska no Florestas;
- d) Ministériu Transportes no Komunikaosins;
- e) Sekretáriu Estadu Formasaun Profisionál no Empregu;
- f) Sekretáriu Estadu Kooperativas.

2. Kompeténsia Ministru Koordenadór Asuntus Ekonomikus nian atu:

- a) Koordena elaborasaun, ezekusaun no kontrolu ba polítika ne'ebé Konsellu Ministrus define ona iha área ekonomia, traballu no formasaun profisionál;
- b) Akompañia no avalia servisu no prestasaun servisu husi membru Governu sira ne'ebé temi ona iha númeru anteriór;
- c) Propoin no dezenvolve polítikas públikas ho natureza ekonómiku ne'ebé kontribui atu hadi'a prestasaun servisu ba sidadaun sira;
- d) Propoin polítika no lejislasaun no estabelese mekanizmu sira ne'ebé relasiona ho promosaun investimentu públiku no privadu, nasional no internasionál, iha artikulasaun ho entidade relevante sira;
- e) Promove dezenvolvimentu setór privadu nasional no formula polítika no mekanizmu apoiu no insentivus nian ba dezenvolvimentu setór ne'e;
- f) Promove diálogu ho setór privadu nasional kona-ba dezenvolvimentu nasaun nian no kombate dezempregu;
- g) Promove kriaun empregu no formasaun profisionál;
- h) Promove dezenvolvimentu setór kooperativu, liu-liu iha área rural no iha setór agrikultura, iha koordenaun ho Ministériu Agrikultura, Pekuária, Peska no Florestas;
- i) Habelar informasaun kona-ba importánsia setór ekonómiku kooperativu, mikro no empreza ki'ik nian no promove formasaun iha konstituisaun, organizaun, jestaun no kontabilidade kooperativas no empreza ki'ik sira;
- j) Organiza, Administra no mantein atualizasaun ba Rejistu Nasionál Kooperativas;
- k) Kria mekanizmu apoiu no financiamentu iha projetu kriaun empregu no formasaun profisionál;

- l) Promove relasaun tripartida entre Governu, empregadór no traballadór sira ho objetivu atu prevene konfliktu laborál;
 - m) Promove servisu mediasaun, konsiliaisaun no arbitrajen iha ámbito relasaun laborál sira;
 - n) Insentiva programa hodi halo kontratasaun ba timoroan sira iha rai-liur;
 - o) Regulamenta rejime traballu ba estranjeiru sira iha Timor-Leste no koordena ninia fiskalizaasaun ho Ministru Interiór;
 - p) Promove fiskalizaasaun kumprimentu ba dispozisaun legál sira iha matéria traballu nian;
 - q) Promove fiskalizaasaun ba kondisaun saúde, seguransa no ijiene iha servisu fatin;
 - r) Hametin koordenaasaun ho entidade relevante sira ne'ebé kontribui ba dezvoltamentu ekonómiku;
 - s) Promove fiskalizaasaun ba funksionamentu iha estabelesimentu komersiál sira, liuliu estabelesimentu sira iha setór restaurante, ai-han no hemun sira, relasiona ho kumpre regras seguransa alimentár no ekonómika nian.
3. Servisu no organizmu sira tuirmai Ministru Koordenadór Asuntus Ekonómikus maka sei tutela:
- a) Sentru Nasionál Formasaun Profisionál no Empregu Timor-Leste (CNFPE - Sigla iha Portugés);
 - b) Sentru Nasionál Formasaun Profisionál- Bekora (CNFP-Bekora);
 - c) Institutu Nasionál Dezenvolvimentu Maundobra, I.P. (INDMO);
 - d) Inspesaun-Jerál Traballu (IGT- Sigla iha Portugés);
 - e) Autoridade Inspesaun no Fiskalizaasaun ba Atividade Ekonómika, Sanitária no Alimentár, I.P. (AIFAESA);
 - f) Institutu ba Kualidade Timor-Leste, I.P. (ITKL, I.P.);
 - g) Centro de Convenções de Díli (CCD – Sigla iha Portugés);
 - h) Institutu Peskiza, Dezenvolvimentu, Formasaun no Promosaun Bambu, I.P. (Institutu Bambu);
 - i) Servisu Rejistu no Verifikasaun Empreziál, I.P. (SERVE);
 - j) Komisaun Nasionál ba Fasilitasaun Komérsiu (CONFAC - Sigla iha Portugés);

- k) Institutu Apoiu ba Dezenvolvimentu Empreziál (IADE);
- l) Ajénsia Promosaun Investimentu no Esportasaun Timor-Leste, I.P. (TradeInvest Timor-Leste, I.P.);
- m) JESPIN - Jestaun Parke Industriál, S.A.;
- n) Sentru Lojística Nasionál (CLN – Sigla iha Portugés).

Seksaun IV
Ministru Koordenadór Asuntus Sosiais

Artigu 14.º
Ministru Koordenadór Asuntus Sosiais

1. Ministru Koordenadór Asuntus Sosiais fó apoiu ba Primeiru-Ministru hodi koordena no supervizona ba membru Governu sira ne'ebé responsavel ba implementasaun polítika iha área governasaun sosiál, liuliu:
 - a) Ministériu Solidariedade Sosiál no Inkluzaan;
 - b) Ministériu Asuntus Kombatentes Libertasaun Nasionál;
 - c) Ministériu Saúde;
 - d) Ministériu Ensinu Superiór, Siénsia no Kultura;
 - e) Ministériu Edukasaun;
 - f) Ministériu Juventude, Desportu, Arte no Kultura.
2. Ministru Koordenadór Asuntus Sosiais nia kompeténsia atu:
 - a) Koordena elaborasaun, ezejuta no kontrola ba polítika sira ne'ebé Konsellu Ministru define ona ba área sosiál sira;
 - b) Koordena preparasaun no organiza servisu husi departamentu governamentál sira ne'ebé depende ba nia;
 - c) Akompaña no avalia traballu no prestasaun servisu husi membru Governu sira ne'ebé temi ona iha númeru anteriór;
 - d) Propoin no dezenvolve polítika públika ho aspetu sosiál ne'ebé kontribui hodi hadi'a prestasaun servisu ba sidadaun sira;
 - e) Koordena preparasaun no organiza traballu governamentál iha área sosiál;

- f) Asegura koordenasaun ho entidade relevante sira ne'ebé kontribui ba desenvolvimentu sosiál.
3. Servisu no organizmu sira tuirmai Ministru Koordenadór Asunustus Sosiais maka sei tutela:
- a) Komisaun Nasionál Desportu;
 - b) Komisaun Reguladora Arte Marsiál, I.P.;
 - c) Servisu Apoiu ba Sociedade Sivíl no Auditoria Sosiál, I.P.;
 - d) Institutu Nasionál ba Kombate HIV/SIDA, I.P. (INCSIDA – Sigla iha Portugés);
 - e) Institutu ba Defeza Direitus Labarik nian I.P. (INDICA - Sigla iha Portugés);
 - f) Unidade Misaun ba Kombate Stunting.
4. Ministru Koordenadór Asuntus Sosiais tenke hala'ó sorumutuk, ordináriu, fulan ida dala ida, ho membru Governu sira husi área governasaun ne'ebé iha nia responsabilidade.

Seksaun V

Departamentu governamentál sira

Artigu 15.º

Ministérius

Ministru sira ne'ebé mensiona iha alínea b) to'o s), n. 2 husi artigu 3.º maka membru governu sira ne'ebé ida-ida, dirije departamentu governamentál sira tuirmai ne'e:

- a) Ministériu Finansas;
- b) Ministériu Negósius Estranjeirus no Kooperasaun;
- c) Ministériu Justisa;
- d) Ministériu Administrasaun Estatál;
- e) Ministériu Saúde;
- f) Ministériu Edukasaun;
- g) Ministériu Ensinu Superiór, Siénsia no Kultura;

- h) Ministériu Asuntus Kombatentes Libertasaun Nasionál;
- i) Ministériu Obras Públikas;
- j) Ministériu Transportes no Komunikaosins;
- k) Ministériu Turizmu no Ambiente;
- l) Ministériu Komérsiu no Indústria;
- m) Ministériu Dezenvolvimentu Rurál no Abitasaun Komunitária;
- n) Ministériu Agrikultura, Pekuária, Peska no Florestas;
- o) Ministériu Defeza;
- p) Ministériu Petróleu no Rekursus Minerais;
- q) Ministériu Interiór;
- r) Ministériu Solidariedade Sosiál no Inkluzoan;
- s) Ministériu Juventude, Desportu, Arte no Kultura;
- t) Ministériu Planeamentu no Investimentu Estratéjiku.

Artigu 16.º
Ministériu Finansas

1. Ministériu Finansas mak departamentu governamentál ne'ebé responsavel atu kria, ezejuta, koordena no avalia polítika ne'ebé define no aprova ona iha Konsellu Ministrus, ba área planeamentu, monitorizasaun no avaliasaun anuál, Orsamentu Jerál Estadu no finansas públikas nian, Ministériu Finansas mak iha responsabilidade, liuliu atu:
 - a) Propoin polítika monetária sira ne'ebé kolabora ho Banku Sentrál Timor-Leste;
 - b) Propoin polítika no elabora projetu regulamentasaun nesesáriu liuliu iha makroekonómika, reseita tributária no naun tributária sira, enkuadramentu orsamentál, monitorizasaun no avaliasaun anuál, aprovizionamentu, kontabilidade públika, finansas públikas, auditoria interna no kontrolu tezouraria Estadu nian, emisaun no jestaun ba dívida públika, empreza públika no investimentu públiku, no mobilizasaun ba rekursu esternu sira,

- nune'e mós promove reforma fiskál, aduaneira, finansas públicas no jestaun finanseira;
- c) Koordena traballu preparasaun Orsamentu Jerál Estadu no Konta Jerál Estadu nian, no prepara ninia projetu sira;
 - d) Kobra impostu, direitu aduaneiru importasaun no kontribuisaun sira seluk ne'ebé tuir lei ninia kobransa la'ós responsabilidade hosi departamentu governamentál sira-seluk;
 - e) Administra Fundu Petrolíferu Timor-Leste, no realiza transferénsia Fundu Petrolíferu ba konta Tezouru nian hodi finansia Orsamentu jerál Estadu, hafoin aprova iha Parlamentu Nasionál;
 - f) Administra fundu públiku sira seluk ne'ebé ninia administrasaun la'ós responsabilidade hosi departamentu governamentál sira seluk;
 - g) Negosia no aseita doasaun no kontribuisaun finanseira husi Estadus seluk;
 - h) Koordena projetu no programa sira entre Timor-Leste ho parseiru dezvoltamentu sira seluk, servisu hamutuk ho Ministériu Negósius Estranjeirus no Kooperasaun no Ministériu competente sira-seluk kona-ba asuntu ne'e;
 - i) Negosia no asina empréstimu sira lori Estadu nia naran, emite título dívida pública, inklui billete no título Tezouru sira no jere dívida pública interna no externa;
 - j) Jere partisipasaun Estadu nian iha parcerias ba dezvoltamentu, no responsavel atu koordena no define aspetu finanseiru no fiskál;
 - k) Jere, monitoriza no avalia partisipasaun Estadu iha empreza pública no privada no iha projetu empresariál sira;
 - l) Promove, negocia no asina akordu ho Estadus seluk atu evita tributasaun dupla, mellora troka informasaun tributária no combate fraude no evazaun fiskál sira;
 - m) Asegura ezersísiu funsaun asionista Estadu nian, ne'ebé koordena ho Ministériu competente sira kona-ba asuntu ne'e;

- n) Negosia, asina no jere implementasaun kontratu ho parseira pública no privada sira, haree didi'ak ba ninia avaliasaun financeira, ho objetivu atu partilla riskus ho adekuaudu entre Estadu no parseiru privadu nomós sustentabilidade hosi projetu ida-idak;
- o) Jere patrimóniu Estadu, sein prejuizu ba atribuisaun sira Ministériu Justisa nian iha matéria patrimóniu mobiliáriu, inklui kria sistema inventariasaun, administrasaun no monitorizasaun;
- p) Promove política jestaun ba beins moveis Estadu nian, ne'ebé kolabora ho entidade pública competente sira seluk;
- q) Asegura fornecimentu beins ne'ebé aproviziona ba ministériu hotu-hotu;
- r) Ezerse tutela no superintendénsia nian ba autoridade estatística nasionál;
- s) Jere Tezouraria Sentrá Estadu, inklui jestaun kaixa no jestaun Dotasaun Jerál Estadu nian;
- t) Promove regulamentu nesesáriu no ezerse kontrolu financeiru kona-ba despeza sira Orsamentu jerál Estadu nian ne'ebé atribui ba ministériu sira seluk, iha ámbitu prosekusaun política ida ho autonomia financeira ne'ebé boot tebes ba servisus ne'e;
- u) Asegura jestaun di'ak ba finansiamentu sira ne'ebé hala'ó liuhusi Orsamentu Jerál Estadu, husi parte órgaun administrasaun indireta Estadu nian no hosi órgaun governasaun lokál, liuhusi monitorizasaun no akompañamentu;
- v) Representa Estadu hamutuk instituisaun financeira internasionál sira;
- w) Koordena assisténsia técnica nasionál no internasionál ne'ebé entidade ka organizmu internasionál sira promove ona iha área asesoria técnica ba órgaun sira Governu nian no iha artikulasaun ho ministériu competente sira kona-ba asuntu ne'e;
- x) Ezerse jurizdisaun aduaneira, tuir lei;
- y) Define padraun kontabilístiku ba Setór Públiku no Setór Privadu;

- z) Desenvolve sistema informasaun jestaun finanseira nian ne'ebé integra ona iha servisu no organizmu sira hotu hosi Administrasaun Públika, hodi desenvolve prosesu *e-government*;
 - aa) Promove reforma ba finansas públicas no implementa política orsamentu tuir programa sira ho objetivu atu aumenta ekonomia, efisiénsia no efikásia kona-ba uzu osan públiku;
 - bb) Promove kapasitasaun ba traballadór sira Administrasaun Públika nian iha área jestaun finanseira;
 - cc) Estabelese mekanizmu kolaborasaun no koordenaun ho órgaun Governu nian sira seluk ne'ebé tutela ba áreas relevantes.
2. Servisu no organizmu sira tuirmai Ministra Finanzas maka sei tutela:
 - a) Autoridade Tributária (AT);
 - b) Autoridade Aduaneira (AA);
 - c) Institutu Nasionál Estatística Timor-Leste, I.P. (INETL);
 - d) Millenium Challenge Account – Timor-Leste, I.P. (MCA-TL).
 3. Órgaun no servisu sira seluk ne'ebé kompoin Ministériu Finanzas maka sira ne'ebé define ona iha ninia lei orgánika.

Artigu 17.º

Ministériu Negósius Estranjeirus no Kooperasaun

1. Ministériu Negósius Estranjeirus no Kooperasaun maka departamentu governamentál ne'ebé responsavel ba konsesaun, ezekeusaun, koordenaun no avaliaun política ne'ebé define no aprova ona husi Konsellu Ministrus, ba área política esterna no kooperasaun internasionál, ba funsaun konsulár sira, promosaun no defeza ba interese sidadaun timoroan sira nian iha rai-li'ur. Ministériu Negósius Estranjeirus no Kooperasaun mak iha responsabilidade, liuliu atu:
 - a) Planifika, propoin no ezekeuta política esterna Timor-Leste nian no atu garante ninia unidade no koerénsia;

- b) Elabora projetos legislativos no regulamentasaun iha área ida-idak ne'ebé tutela;
- c) Promove intereses Timor-Leste nian iha rai-li'ur no asegura protesasaun ba sidadaun timoroan sira iha rai-li'ur;
- d) Asegura representasaun Timor-Leste nian iha Estadu no Organizasaun Internasionál sira seluk, no jere rede embaixada, misaun, representasaun permanente no temporária no postu konsulár sira, tuir prioridades políticas esterna nian;
- e) Planeia no ezekuta preparasaun adezaun Timor-Leste nian ba Organizasaun Nasoins Sudeste Aziátiku (ASEAN) no asegura representasaun nasaun ne'e iha sorumutuk no atividade ida-idak;
- f) Koordena partisipasaun Timor-Leste nian hamutuk ho Komunidade País sira Lingua Portugés nian (CPLP – Sigla iha Portugés) no atu asegura representasaun nasaun ne'e iha sorumutuk no atividade ida-idak;
- g) Sentraliza no koordena relasaun entidade pública saida de'it ho misaun diplomática ka konsulár, ho organizasaun internasionál sira no ho representasaun servisu kooperasaun internasionál ne'ebé hetan akrediatasaun iha Timor-Leste;
- h) Propoin no ezekuta política kona-ba kooperasaun internasionál, iha koordenasaun ho Ministériu Finansas no instituisaun governamental competente sira seluk;
- i) Koordena, hamutuk ho Ministériu Finansas no departamentu competente Governu nian sira seluk, relasaun Timor-Leste ho parseiru desenvolvimentu sira.
- j) Ezerse funsaun sira ne'ebé ministériu ne'e hetan fiar iha asuntu diplomasia ekonómika
- k) Ezerse funsaun sira hanesan Ordenadór Nasionál;
- l) Estabelese mekanizmu kooperasaun ho misaun estrangeira sira ne'ebé estabelese ona iha país ne'e;
- m) Estabelese mekanizmu kolaborasaun no koordenasaun ho órgaun Governu nian sira seluk ne'ebé tutela ba áreas atividade ne'ebé relevante;
- n) Organiza, dinamiza ka participa iha tipu atividade saida de'it ne'ebé nesesária ba estabelesimentu no funcionamentu

plataforma kooperasaun no dezenvolvimentu ekonómiku integradu sub-rejionál ida entre Timor-Leste, Indonézia no Austrália.

2. Servisu no organizmu sira tuirmai Ministru Negósius Estranjeirus no Kooperasaun maka sei tutela:
 - a) Ajénsia Kooperasaun Timor-Leste (AKTL);
 - b) Institutu Estudus Diplomátikus (IED).
3. Órgaun no servisu sira ne'ebé kompin Ministériu Negósius Estranjeirus no Kooperasaun maka sira ne'ebé define ona iha ninia lei orgánika.

Artigu 18.º **Ministériu Justisa**

1. Ministériu Justisa maka departamentu governamentál ne'ebé responsavel ba konsesaun, ezelesaun, koordenaun no avaliasaun polítika, ne'ebé define no aprova ona husi Konsellu Ministrus, iha área justisa, direitu no direitus umanus, rai no propiedades. Ministériu Justisa mak iha responsabilidade, liuliu atu:
 - a) Propoin polítika no elabora projetu lejizlasaun no regulamentasaun sira ne'ebé presiza ba ninia área sira ne'ebé tutela;
 - b) Propoin medidas kona-ba definisaun mekanizmu regulaun justisa tradisionál no ninia interasaun ho sistema formál;
 - c) Propoin no ezeleta medidas alargamentu mapa judisiáriu nian;
 - d) Propoin definisaun polítika kriminal nian no garante ninia implementasaun no administrasaun di'ak justisa nian;
 - e) Regula no jere Sentru Formasaun Jurídika no Judisiária no promove formasaun ba rekursus umanus iha área oioin atuaun setór justisa nian;
 - f) Promove koordenaun no diálogu entre atór judisiáriu sira, nune'e mós atu asegura sira-nia partisipasaun iha diskusaun no elaborasaun ba lejizlasaun no regulamentu sira ne'ebé propoin iha setór judisiáriu nian;
 - g) Regula no jere sistema prizionál, ezelesaun pena sira no servisu reinsersaun sosiál;

- h) Asegura mekanizmu asesu ba direitu no ba tribunál ne'ebé adekuaadu, liuliu ba sidadaun sira ne'ebé dezfavoresidu liu, iha área informasaun jurídika no konsulta jurídika, no ba apoiu judisiáriu, liuliu, liuhusi Defensoria Pública no entidade no estrutura justisa sira seluk;
- i) Kria no garante mekanizmu adekuaadu ne'ebé asegura direitu sidadania no promove divulgasaun lei no regulamentu sira ne'ebé vigora;
- j) Organiza kartografia no kadastru ba rai no uma no rejistu ba beins imóveis;
- k) Asegura, hanesan medida atu promove asesu sidadaun sira nian ba direitu, servisu tradusaun jurídika ida ne'ebé responsavel ba utilizaun lian ofisiál sira iha área direitu no justisa;
- l) Jere no fiskaliza sistema servisu rejistu no notariadu nian;
- m) Administra no halo jestaun patrimóniu imobiliáriu Estadu nian loron-loron;
- n) Promove no orienta formasaun jurídika iha karreira judisiál sira no funcionáriu públiku sira seluk;
- o) Asegura relasaun sira iha planu internasionál iha área política Justisa, liuliu ho Governu no organizaun internasionál sira seluk, sein prejuízu ba kompeténsia rasik Ministériu Negósius Estranjeirus no Kooperasaun nian.
- p) Estabelese mekanizmu kolaborasaun no koordenasaun ho órgaun Governu nian sira seluk ne'ebé responsavel ba áreas relevantes;

2. Servisu no organizmu sira tuirmai Ministru Justisa maka sei tutela:

- a) Sentru Formasaun Jurídika no Judisiária (SFJJ);
- b) Komisaun Terras no Propriedade;
- c) Polísia Sientífica Investigasaun Kriminál (PCIC – Sigla iha Portugés);
- d) Defensoria Pública;
- e) Komisaun Luta Kontra Tráfiku Pesoas (CLCTP – Sigla iha Portugés).

3. Órgaun no servisu sira ne'ebé kompoin Ministériu Justisa maka ne'ebé define iha ninia lei orgánika.

Artigu 19.º **Ministériu Administrasaun Estatál**

1. Ministériu Administrasaun Estatál maka departamentu governamentál ne'ebé responsavel ba konsesaun, ezeusaun, koordenaun no avaliasaun ba polítika ne'ebé define no aprova ona husi Konsellu Ministrus, ba área podér lokál, descentralizasaun administrativa, fó apoiu ba organizaun komunitária sira, promove desenvolvimentu lokál, organizaun no ezeusaun ba prosesu eleitorál no referendáriu nian, promosaun ijiene no organizaun urbana no klasifikasaun no konservasaun dokumentu ofisiál sira ho valór istóriu. Ministériu Administrasaun Estatál mak iha responsabilidade, liuliu atu:
 - a) Promove no realiza prosesu descentralizasaun administrativa no instalasaun órgaun no servisu Podér Lokál nian;
 - b) Propoin no implementa lei Podér Lokál, lei eleitorál munispál, lei finansas, patrimóniu no aprovizionamentu munispál, no normativu legál sira-seluk no regulamentu nesesáriu ba descentralizasaun administrativu no ba instalasaun órgaun reprezentativu podér lokál;
 - c) Apoia formasaun no assisténsia permanente atu lori ba prosesu deskonsentrasaun no descentralizasaun administrativa, liuhusi koordenaun ho Ministériu no entidade relevante sira seluk;
 - d) Promove selebrasaun akordu kooperasaun sira ho autoridade lokál iha nasaun seluk, ho objetivu atu hakle'an prosesu descentralizasaun, iha artikulasaun ho Ministériu Negósius Estranjeirus no Kooperasaun;
 - e) Koordena no fiskaliza atividade husi servisu perifériku ministériu nian;
 - f) Estabelese no operasionaliza mekanizmu kolaborasaun no koordenaun ho Órgaun Administrasaun Públika sira-seluk ne'ebé responsavel ba áreas relevantes;

- g) Propoin polítika públika no iniciativa lejizlativa sira ne'ebé iha relasaun ho áreas ne'ebé tutela;
 - h) Propoin no aplika lejizlasaun hodi promove ijiene no orden públika urbana, sein prejuízu ba kompeténsia rasik Administrasaun Lokál nian;
 - i) Propoin no aplika norma jurídika sira ne'ebé relasiona ho toponímia, sein prejuízu ba kompeténsia rasik órgaun Administrasaun Lokál nian;
 - j) Garante apoiu tékniku ba prosesu eleitorál no referendáriu;
 - k) Promove polítika dezvoltimentu lokál hodi hamenus dezigualdade ekonómika no sosiál sira, liuhusi kooperasaun ho organizmu governamentál sira-seluk, ba ninia ezekusaun;
 - l) Estabelese no operacionaliza mekanizmu kolaborasaun no apoiu tékniku ba lideransa komunitária sira;
 - m) Asegura koordenaun no implementasaun ba Planeamentu Dezvoltimentu Integradu Munisipál;
 - n) Asegura koordenaun no implementasaun ba Programa Nasionál Dezvoltimentu Suku sira;
 - o) Dezenvolve no implementa polítika no mekanizmu hodi fó apoiu ba dezvoltimentu komunitáriu no dezvoltimentu suku sira;
 - p) Propoin no dezenvolve norma no instrusaun téknika sira kona-ba klasifikasaun, halo tratamentu no halo arkivu ba dokumentu istóriu no dokumentu Estadu nian;
 - q) Promove rekuperasaun, prezervasaun no rai didi'ak dokumentu istóriu no dokumentu Estadu nian.
2. Servisu no organizmu sira tuirmai Ministru Administrasaun Estatál maka sei tutela:
- a) Sentrus Akollimentu Multifunsaun
 - b) Sekretariadu Tékniku Administrasaun Eleitorál (STAE).
 - c) Arkivu Nasionál Timor-Leste (ANTL);
 - d) Institutu Nasionál Administrasaun Públika (INAP);
 - e) Fundu Espesiál Dezvoltimentu Ataúru (FEDA).
3. Órgaun no servisu sira ne'ebé kompoin Ministériu Administrasaun Estatál maka sira ne'ebé define ona iha ninia lei orgánika.

Artigu 20.º
Ministériu Saúde

1. Ministériu Saúde maka departamentu governu nian ida ne'ebé responsavel ba konsesaun, ezekusaun, koordenasau no avaliasau ba polítika, ne'ebé define no aprova husi Konsellu Ministrus, ba iha área saúde no atividade farmaséutika, Ministériu Saúde mak iha responsabilidade, liuliu atu:
 - a) Propoin polítika no elabora projetu regulamentasaun sira ne'ebé presiza ba ninia áreas tutela;
 - b) Garante asesu ba kuidadu saúde ba sidadaun sira hotu;
 - c) Koordena atividade sira hotu ne'ebé iha relasaun ho kontrolu epidemiológiku;
 - d) Fó apoiu tékniku ba kuidadu saúde iha munisípiu no rejiaun sira, tantu direktamente ka liuhusi Administrasaun Lokál;
 - e) Halo kontrolu sanitáriu ba produktu sira ho influénsia iha saúde ema nian;
 - f) Promove formasaun ba profisionál saúde sira;
 - g) Kontribui ba susesu iha assisténsia umanitária, promove dame, seguransa no desenvolvimentu sosioekonómiku, liuhusi mekanizmu koordenasau no kolaborasaun ho órgaun Governu nian sira seluk ne'ebé tutela ba áreas relevantes;
 - h) Promove no reforsa banku nasionál *sangue*;
 - i) Implementa polítika medikamentu nian, regula atividade farmaséutika no fiskaliza atividade ne'e hamutuk ho Autoridade Inspesau no Fiskalizasaun Atividade Ekonómika, Sanitária no Alimentár, I.P.;
 - j) Promove formasaun akadémika, kualifikasaun no espesializasaun profisionál ba profisionál saúde sira;
 - k) Promove étika ba profisionál saúde;
 - l) Desenvolve no promove uzu medisina tradisionál nu'udar komplementár.
2. Servisu no organizmu sira tuirmai Ministra Saúde maka sei tutela:
 - a) Ospital sira hosi Servisu Nasionál Saúde:

- b) Servisu Autónomu Medikamentu no Ekipamentu Médiku (SAMES);
 - c) Institutu Nasionál Saúde Pública, (INSP-TL)
 - d) Servisu Nasionál Ambulánsia no Emerjénsia Médika, I.P. (SNAEM);
 - e) Laboratóriu Nasionál Saúde.
3. Órgaun no servisu sira ne'ebé kompin Ministériu Saúde maka sira ne'ebé define ona iha ninia lei orgánika.

Artigu 21.º **Ministériu Edukasaun**

1. Ministériu Edukasaun maka departamentu Governu nian ne'ebé responsavel ba konsesaun, ezekusaun, koordenaun no avaliaun ba polítika, ne'ebé define no aprova ona husi Konsellu Ministrus, ba iha área ensinu no kualifikaun ba nivel ensinu sira hotu, la inklui nivel superiór, konsolidasaun no promosaun ba lian ofisial sira, Ministériu Edukasaun mak iha responsabilidade, liuliu atu:
- a) Propoin no asegura polítika sira ne'ebé relasiona ho edukasaun pré-eskolár no skolár, hosi ensinu báziku to'ó sekundáriu no integra modalidade espeisial edukasaun nian, hodi promove ensinu rekorrente no aprendizajen durante moris tomak.
 - b) Partisipa iha definisaun no implementasaun polítika kualifikaun no formasaun profisionál;
 - c) Garante direitu ba edukasaun no asegura eskolaridade obrigatória ho objetivu atu promove inkluzo no oportunidade hanesan;
 - d) Hametin kondisaun ensinu no aprendizajen, hodi kontribui ba desenvolvimentu integrál alunu nian, atu hadi'a susesu eskola no promove kualifikaun populaun, ho objetivu atu bele servisu iha merkadu traballu;
 - e) Define kurríkulu nasional iha nivel ensinu oioin no rejime avaliaun alunu no aprova programa ensinu nian, nune'e mós orientasaun ba ninia konkretizasaun;
 - f) Garante no promove ensinu lian ofisial sira ho qualidade, liuliu hametin rezultadu aprendizajen iha lian portugeza no

konsolidasaun no mós regularizasaun lian tetun.

- g) Promove valorizasaun no dezenvolvimentu ba lian nasionál sira;
- h) Jere ensinu tékniku-agríkola;
- i) Promove kriaun entidade ida ne'ebé sai responsavel ba konsolidasaun, uniformizasaun no promosaun lian tetun;
- j) Promove no jere parke eskolár iha estabelesimentu públiku edukasaun pré-eskolár, ensinu báziku no sekundáriu no hametin sira nia kapasidade hodi hatán ba nesesidade populasaun nian, nune'e mós fó apoiu ba iniciativa iha ámbitu ensinu partikulár no kooperativu, ne'ebé inklui ensinu komunitáriu;
- k) Promove jestaun no administrasaun eskolár ne'ebé efikás no iha kualidade no garante avaliasaun no akreditasaun ba sistema edukasaun pré-eskolár no ba sistema ensinu báziku no sekundáriu;
- l) Estabelese polítika kooperasaun ho UNESCO, sein prejuizu ba artikulasaun ho Ministériu Negósius Estranjeirus no Kooperasaun;
- m) Promove formasaun no avaliasaun ba profisionál edukasaun sira no garante implementasaun lejislasaun ne'ebé relasiona ho karreira dosente nian;
- n) Estabelese mekanizmu kolaborasaun no koordenasan ho órgaun Governu nian sira seluk ne'ebé sai nu'udar responsavel ba áreas relevantes, iha ámbitu implementasaun polítika nasionál edukasaun nian;
- o) Promove polítika inkluzan ativa iha área edukasaun, liuliu liuhusi medidas edukasaun inkluziva no partisipasaun ema ho nesesidade espesiál;
- p) Asegura no promove igualdade jéneru iha ámbitu hosi área hirak ne'ebé sai nu'udar ninia kompeténsia, iha koordenasan ho entidade públikas relevantes;
- q) Planeia no ezejuta sistema análise no monitorizasaun nian ida, atu nune'e avalia rezultadu no impaktu hosi polítika edukasaun nian.

2. Servisu no organizmu sira tuirmai Ministra Edukasaun maka sei tutela:

- a) Komisaun Nasionál Organizasaun Nasoins Unidas ba Edukasaun, Siénsia no Kultura Timor-Leste (UNESCO) – CNU;
- b) Institutu Nasionál Formasaun Dosente no Profisionál Edukasaun (INFORDEPE);
- c) Komité Orientadór 25.

3. Órgaun no servisu sira ne'ebé kompoin Ministériu Edukasaun maka ne'ebé define iha ninia lei orgánika.

Artigu 22

Ministériu Ensinu Superiór Siénsia no Kultura

1. Ministériu Ensinu Superiór, Siénsia no Kultura maka departamentu Governu ida ne'ebé responsavel ba konsesaun, ezekusaun, koordenasaun no avaliasaun polítika, ne'ebé define no aprova ona husi Konsellu Ministrus, ba área ensinun no kualifikasaun nivel superiór nian, nune'e mós ba área siénsia, teknolojia, Ministériu Ensinu Superiór, Siénsia no Kultura mak iha responsabilidade, liuliu atu:
 - a) Kria medidas polítika iha área ensinun superiór, siénsia no teknolojia, nune'e mós ba ninia organizasaun, finansiamentu, ezekusaun no avaliasaun;
 - b) Promove oportunidade ne'ebé hanesan iha asesu ba ensinun superiór no ba siénsia no teknolojia;
 - c) Promove dezenvolvimentu, modernizasaun, qualidade, kompetividade no rekoñesimentu internasionál kona-ba sistema ensinun superiór no sientífiku no teknológiku nian;
 - d) Promove ligasaun entre instituisaun ensinun superiór no sientífiku no teknológiku nian, no entre instituisaun sira ne'e no sistema produtivu;
 - e) Promove avaliasaun no inspesaun permanente ba estabelesimentu ensinun superiór, sientífiku no teknológiku nian;
 - f) Promove avaliasaun ba profisionál sira edukasaun ensinun superiór nian;

- g) Planeia sistema análise no monitorizasaun nian ida, atu nune'e avalia rezultadu no impaktu sira kona-ba polítika ensinu superiór nian;
 - h) Garante prezervasaun ne'ebé adekuada ba dokumentu ofisiál no istóriku sira tuir ninia kompeténsia.
2. Servisu no organizmu sira tuirmai Ministru Ensinu Superiór, Siénsia no Kultura maka sei tutela:
- a) Universidade Nacional Timor-Lorosa'e (UNTL)
 - b) Institutu Politékniku Betanu (IPB);
 - c) Institutu Nasionál Siénsias no Teknolojia (INCT – Sigla iha Portugés);
 - d) Ajénsia Nasionál ba Avaliasaun no Akreditasaun Akadémika, I.P. (ANAAA).
3. Órgaun no servisu sira ne'ebé kompoin Ministériu Ensinu Superiór, Siénsia no Kultura maka sira ne'ebé define ona iha ninia lei orgánika.

Artigu 23.º

Ministériu Asuntus Kombatentes Libertasaun Nasionál

1. Ministériu Asuntus Kombatentes Libertasaun Nasionál maka departamentu governamentál ne'ebé responsavel ba konsesaun, ezekusaun, koordenasan no avaliasaun polítika, ne'ebé define no aprova ona husi Konsellu Ministrus, ba asuntus antigos Kombatentes Libertasaun Nasionál, Ministériu Asuntus Kombatentes Libertasaun Nasionál mak iha responsabilidade, liuliu atu:
- a) Kria medidas polítika, leizlasaun no regulamentasaun ba asuntus Kombatentes Libertasaun Nasionál, nune'e mós ba ninia finansiamentu, ezekusaun no avaliasaun;
 - b) Koordena no planeia polítika governamentál iha ámbitu asuntus ne'ebé iha relasan ho Kombatentes Libertasaun Nasionál;
 - c) Promove rejistu ba Kombatentes Libertasaun Nasionál, tuir lei;
 - d) Implementa programa kona-ba atribuisaun pensaun no benefísiu finanseiru sira seluk ba Kombatentes Libertasaun Nasionál no família sira, tuir lei;

- e) Disponibiliza akompañamentu no inkluzauñ iha sociedade veteranus no Kombatentes Libertasaun Nasionál nian;
 - f) Promove, iha koordenasaun ho Prezidénsia Repúblika no Konsellu Kombatentes Libertasaun Nasionál, realiza serimónia valorizasaun, dezmobilizasaun no rekoñesimentu públiku ba Kombatentes Libertasaun Nasionál, hanesan liuhusi kondekorasaun ofisiál, edifikasaun memoriál ba martir sira no asaun relevante sira seluk;
 - g) Mantein servisu peskiza, arkivu no divulgasaun istória ida kona-ba luta libertasaun nasionál;
 - h) Promove revizaun ida ne'ebé kle'an kona-ba baze dados rejistu Kombatentes Libertasaun Nasionál nian;
 - i) Mantein baze dados rejistu, prosesamentu, análise no supervizaun ne'ebé sai hanesan suporte ba atividade ida-idak;
 - j) Promove no planeia programa apoiu ba Kombatentes Libertasaun Nasionál, liuliu, iha área saúde, edukasaun no formasaun tékniku-profisionál, empregu, asesu ba kréditu no atividade sira ne'ebé hamosu rendimentu;
 - k) Dezenvolve programa assisténsia no ajuda ba Kombatentes Libertasaun Nasionál;
 - l) Promove programa dezmobilizasaun, reforma no pensaun hodi atribui ba Kombatentes Libertasaun Nasionál;
 - m) Disponibiliza akompañamentu no inkluzauñ iha sociedade veteranus no Kombatentes Libertasaun Nasionál nian;
 - n) Estabelese mekanizmu kolaborasaun no koordenasaun ho órgaun Governu nian sira seluk ne'ebé tutela ba áreas relevantes;
 - o) Hala'o knaar sira seluk tuir lei haruka.
2. Órgaun no servisu sira ne'ebé kompoin Ministériu ba Asuntus Kombatentes Libertasaun Nasionál maka sira ne'ebé define ona iha ninia lei orgánika.

Artigu 24.º
Ministériu Obras Públikas

- 1.** Ministériu Obras Públikas maka departamentu governamentál ne'ebé responsavel ba konsesaun, ezekusaun, koordenasau no avaliasau polítika, ne'ebé define no aprova ona husi Konsellu Ministrus, ba área obras públikas, abitasaun, abastesimentu, distribuissau no jestaun bee, saneamentu no eletrisidade no ezekusaun planeamentu urbanu no abitasaun nian, Ministériu Obras Públikas mak iha responsabilidade, liuliu atu:
- a) Propoin no ezekuta liñas polítika Ministériu nian iha área obras públikas, abitasaun, distribuissau bee, jestaun ba rekursus ídrikus, saneamentu no eletrisidade;
 - b) Ezekuta planu ordenamentu territoriál no polítika nasional ba abitasaun, iha koordenasau ho Ministériu Planeamentu no Investimentu Estratéjiku;
 - c) Asegura implementasau no ezekusaun kuadru legál no regulamentadór ba atividade sira ministériu nian;
 - d) Kria no implementa kuadru legál no regulamentár ba atividade konstrusaun sivíl no investigasau kona-ba materiais konstrusaun nian;
 - e) Estuda, planeia no ezekuta obras konstrusaun nian ne'ebé nesesária ba protesaun, konservasau no hadi'a ponte, estrada, mota-ninin no tasi-ninin, liuliu hodi halo kontrolu ba inundasau;
 - f) Promove estudu no ezekusaun ba sistema foun sira rede infraestruturas kona-ba distribuissau bee no rekursus bee, no mós ba saneamentu báziku, no atu fiskaliza ninia funsionamentu no explorasau, sein prejuízu ba atribuissau ne'ebé fó ba área hirak ne'e, ba organizmu sira seluk;
 - g) Estabelese koordenasau no promove qualidade projetu fíziku sira ne'ebé Estadu ezekuta ona;
 - h) Promove realizasau obras konstrusaun, konservasau no reparasau edifísiu públiku, monumentu no instalasau espesial, iha kazu ne'ebé mak obra ne'e atribui legalmente;
 - i) Atribui lisensa no fiskaliza edifikasau urbana hotu-hotu, liuliu partikulár ka públika, tuir lejizlasau aplikavel;
 - j) Promove adosau ba norma téknika sira no regulamentasau kona-ba materiál ne'ebé utiliza iha konstrusaun sivíl, no mós

- dezenvolve teste laboratoríal hodi garante seguransa edifikasaun nian;
- k) Halo operasaun no mantein infraestruturas produsaun, tranzmisaun no distribuisaun enerjia elétrika nian, no mós promove planeamentu no desenvolve rede elétrika nasionál;
 - l) Mantein no desenvolve sistema nasionál ida ba informasaun no vijilánsia kona-ba kondisaun obras no materiál sira konstrusaun sivíl nian, inklui efeitu husi inundasaun iha infraestruturas;
 - m) Garante koordenaun iha setór enerjétiku renovável no estimula komplementaridade entre ninia modu oin-oin, nune'e mós ninia kompetividade, atu nune'e utente sira sente satisfeitu duni;
 - n) Regula, iha koordenaun ho ministériu, operadór sira seluk iha área produsaun eletrisidade nian;
 - o) Estabelese mekanizmu kolaborasaun no koordenaun ho órgaun Governu nian sira seluk ne'ebé tutela ba áreas relevantes.
2. Servisu no organizmu sira tuirmai Ministru Obras Públikas maka sei tutela:
- a) Institutu Jestaun Ekipamentus no Apoiu ba Dezenvolvimentu Infraestruturas (IGIADI – Sigla iha Portugés);
 - b) Eletrisidade Timor-Leste E.P. (EDTL, E.P.);
 - c) Bee Timor-Leste, E.P. (BTL, E.P.);
 - d) Laboratóriu Nasionál hodi Garante Kualidade Infraestruturas.
3. Órgaun no Servisu sira ne'ebé kompain Ministériu Obras Públikas maka sira ne'ebé define ona iha ninia lei orgánika.

Artigu 25.º

Ministériu Transportes no Komunikasoins

1. Ministériu Transportes no Komunikasoins maka departamentu governamentál ida ne'ebé responsavel ba konsesaun, ezekusaun, koordenaun no avaliaun polítika, ne'ebé define no aprova ona husi Konsellu Ministrus, ba área transportes no komunikasoins,

Ministériu Transportes no Komunikasoins mak iha responsabilidade, liuliu atu:

- a) Propoin no ezekuta liña polítika Ministériu nian iha área transportes no komunikasoins;
 - b) Formula, dezenvolve no asegura implementasaun no ezekusaun ba kuadru legál no reguladór iha setór transportes no komunikasoins;
 - c) Dezenvolve no regulamenta atividade transportes no komunikasoins nian, nune'e mós otimiza meius komunikasaun;
 - d) Asegura koordena ho setór transportes no estimula komplementaridade entre nia modu oioin, nune'e mós ninia kompetividade, atu nune'e utente sira sente satisfeito tebes;
 - e) Promove jestaun, nune'e mós adosaun ba norma téknika sira no regulamentasaun ba uzu públiku servisu komunikasoins nian;
 - f) Garante prestasaun servisu públikus telekomunikasaun no utilizaun ba espasu rádioelétriku nian, liuhusi empresas públicas ka kriaun prestasaun serbisu públiku ba entidade privada sira;
 - g) Mantein no dezenvolve sistema nasionál kona-ba informasaun no vijilánsia meteorolójika no sismolójika, inklui konstrusaun no manutensaun ba ninia infraestruturas;
 - h) Promove no koordena investigasaun sientífika no desenvolvimentu teknolójiku iha área transportes terrestres, aéreu no marítimu ho karakter sivíl;
 - i) Estabelese mekanizmu kolaborasaun no koordenaun ho órgaun Governu nian sira seluk ne'ebé responsavel ba áreas relevantes.
2. Servisu no organizmu sira tuirmai Ministru Transportes no Komunikasoins maka sei tutela:
- a) Administrasaun Portus Timor-Leste (APORTIL);
 - b) Administrasaun Aeroportus no Navegasaun Aérea Timor-Leste, E.P. (ANATL E.P);
 - c) Autoridade Aviasaun Sivíl Timor-Leste (AACTL – Sigla iha Portugés);
 - d) Autoridade Nasionál Komunikasoins (ANC – Sigla iha Portugés);

- e) Ajénsia Teknolojia Informasaun no Komunikaun, I.P. – TIC TIMOR.
3. Órgaun no servisu sira ne'ebé kompain Ministériu Transportes no Komunikaun maka sira ne'ebé define ona iha ninia lei orgánika.

Artigu 26.º
Ministériu Turizmu no Ambiente

2. Ministériu Turizmu no Ambiente maka departamentu governamentál ida ne'ebé responsavel ba konsesaun, ezelesaun, koordenaun no avaliaun ba polítika sira ne'ebé define no aprova ona husi Konsellu Ministrus ba área turizmu no ambiente, Ministériu Turizmu no Ambiente mak iha responsabilidade, liuliu atu:
- a) Propoin polítika no elabora projetu lejizlasaun no regulamentaun nesesária ba áreas ne'ebé mak nia tutela;
 - b) Kria, ezelesaun no avalia polítika turizmu no ambiente nian;
 - c) Apoia implementasaun estratéjia ba desenvolvimento "Economia Azul";
 - d) Avalia no atribui lisensa projetus instalasaun no funsionamentu ba empreendimentu turístiku;
 - e) Inspesiona no fiskaliza atividade no empreendimentu turístikus, tur lei;
 - f) Mantein no administra sentru informasaun no dokumentasaun ida kona-ba empreza turística sira;
 - g) Kontribui ba dinamizasaun setór turizmu no propoin medida no polítika pública sira ne'ebé relevante ba ninia desenvolvimento;
 - h) Estabelese mekanizmu kolaboraun no kooperasaun ho organizmu nasionál no internasionál sira ne'ebé mak ho nia asaun haree ba áreas atuaun Ministériu nian, liuliu ho Kámara Komérsiu no Indústria Timor-Leste (KKI-TL), Organizaun Mundiál Turizmu nian no "*Pacific Asia Tourism Organization*";
 - i) Apoia atividade ajentes ekonómikus setór turístiku nian, ne'ebé promove medidas nesesárias hodi valoriza solusaun sira ne'ebé simples liu no aplika regra prosesuál sira ne'ebé lais ba ninia lisensiamentu;

- j) Fó paresér kona-ba pedidu informasaun prévia nian hodi estabese empreza turístika sira;
- k) Apresia no atribui lisensa projetu instalasaun no fiskaliza funsionamentu empreendimentu turístiku sira iha koordinasaun ho Ministériu Obras Públikas, nune'e mós kualifika no klasifika projetu instalasaun sira ne'e.
- l) Superintende (dirije), inspesiona no fiskaliza jogu sosiál no diversaun, mákina jogu no jogu tradisionál sira;
- m) Propoin projetu lejizlasaun no regulamentasaun ne'ebé nesesária hodi hala'ó atividade kazu nian;
- n) Mantein no administra sentru informasaun no dokumentasaun ida kona-ba empreza no atividades setór turístiku nian;
- o) Suspende no revoga lisensa hodi hala'ó atividade turístika sira, tuir lei;
- p) Elabora planu anuál atividade promocionál sira ba desenvolvimentu turizmu ho ninia estimativa kustu;
- q) Implementa no ezejuta lejizlasaun kona-ba instalasaun, lisenasiamentu no verifikasaun ba kondisaun sira funsionamentu ekipamentu turístiku nian;
- r) Estabese mekanizmus ba kolaborasaun ho servisu no organizmu governamentál sira seluk ne'ebé tutela ba áreas relevantes, liuliu servisu competente sira husi ordenamentu no desenvolvimentu fíziku territóriu nian, ho objetivu ba promosaun zona estratéjika desenvolvimentu turístiku, komersiál ka industriál nian;
- s) Kolabora, ho organizmu no institutu públiku sira ne'ebé competente hodi promove no divulga Timor-Leste, ba investidór no operadór turístiku sira, hodi aseguara divulgasaun informasaun ne'ebé nesesária.
- t) Promove no implementa polítika ambientál, garante proteasaun no konservasaun ba natureza no biodiversidade, fiskaliza atividade sira ne'ebé bele estraga flora no fauna no garante desenvolvimentu nasional tuir dalan ne'ebé sustentável ba ambiente;
- u) Implementa polítika ambientál nian no avalia rezultadu sira ne'ebé alkansa ona;

- v) Promove, akompaña no apoia estratéjia sira integrasaun ambiente nian iha polítikas setoriais;
 - w) Halo avaliasaun ambientál estratéjika ba polítika, planu, programa no lejislasaun no koordena prosesu sira avaliasaun impaktu ambientál nian ba projetu sira iha nivel nasionál;
 - x) Asegura, iha termu jerál no iha prosedimentu lisensiamentu ambientál, adosaun no fiskalizasaun ba medida prevensaun no kontrolu integradu poluisaun nian husi instalasaun sira ne'ebé nia abranje.
3. Servisu no organizmu sira tuirmai Ministru Turizmu no Ambiente maka sei tutela:
- a) Autoridade Turizmu Timor-Leste, I.P. (ATTL, I.P.);
 - b) Sentrus Turizmu no Informasaun Turística;
 - c) Sentrus Restaurasaun / *Food Courts*;
 - d) Pouzadas;
 - e) Autoridade Nasionál ba Lisensiamentu Ambientál, I.P. (ANLA);
 - f) Autoridade Nasionál Dezinada ba Kombate Alterasaun Klimátika, I.P. (AND).
3. Órgaun no servisu sira ne'ebé kompoin Ministériu Turizmu no Ambiente maka sira ne'ebé define ona iha ninia lei orgánika.

Artigu 27.º

Ministériu Komérsiu no Indústriá

1. Ministériu Komérsiu no Indústriá maka departamentu governamentál ida ne'ebé responsavel ba konsesaun, ezekusaun, koordenaun no avaliasaun polítika sira ne'ebé define no aprova ona husi Konsellu Ministrus ba área atividade ekonómika komersiál no indústriá sira, Ministériu Komérsiu no Indústriá mak iha responsabilidade, liuliu atu:

- a) Propoin polítika no elabora projetu lejislasaun no regulamentasaun nesesária ba áreas ne'ebé mak nia tutela;
- b) Kria, ezekuta no avalia polítika komérsiu no indústriá nian;
- c) Kontribui ba dinamizasaun atividade ekonómika, inklui atividade sira kona-ba kompetividade nasionál no internasionál;

- d) Apoia atividade agente ekonómiku nian, no promove medida nesesária hodi valoriza solusaun sira ne'ebé halo tramitasaun prosesuál sai simples no lais liu;
 - e) Avalia no atribui lisensa projetu instalasaun nian no funsionamentu ba empreendimentu komersiál no industriál sira;
 - f) Inspesiona no fiskaliza atividade no empreendimentu komersiál no industriál sira, tuir lei;
 - g) Mantein no administra sentru informasaun no dokumentasaun ida kona-ba empreza komersiál no industriál;
 - h) Propoin kualifikasaun no klasifikasaun empreendimentu industriál, tuir lejizlasaun aplikavel;
 - i) Organiza no administra rejistu ba propriedade industriál;
 - j) Promove regra interna no internasionál sira ba normalizasaun, metrolojia no kontrolu qualidade, padraun ba medida unidade no magnitude fízika nian;
 - k) Estabelese mekanizmu kolaborasaun no kooperasaun ho organizmu nasional no internasionál sira ne'ebé mak ho ninia asaun haree ba área sira atuasaun ministériu nian, liuliu ho Kámara Komérsiu no Indústria Timor-Leste (CCI-TL – Sigla iha Portugés) no Organizasaun Mundiál Komérsiu;
 - l) Estabelese mekanizmu kolaborasaun ho serbisu no organizmu governamental sira seluk ne'ebé tutela ba áreas relevantes, liuliu servisu competente sira husi ordenamentu no dezenvolvimentu fíziku territóriu nian, ho objetivu atu promove zona estratéjika sira dezenvolvimentu komersiál ka industriál nian;
2. Órgaun no servisu sira ne'ebé kompoin Ministériu Komérsiu no Indústria maka sira ne'ebé define ona iha ninia lei orgánika.

Artigu 28.º

Ministériu Dezenvolvimentu Rurál no Abitasaun Komunitária

1. Ministériu Dezenvolvimentu Rurál no Abitasaun Komunitária maka departamentu governamental ida ne'ebé responsavel ba konsesaun, ezekusaun, koordenaun no avaliasaun ba polítika sira ne'ebé define no aprova ona husi Konsellu Ministrus ba área sira ne'ebé liga ba hadi'a kondisaun moris, oportunidades no

asesibilidade iha zona rurál sira, dezvoltimentu iniciativa ne'ebé promove diversifikasaun atividades, kriaun empregu iha fatin rurál, ne'ebé ho objetivu atu konsolida ninia estrutura produtivu nian.

2. Órgaun no servisu sira ne'ebé kompin Ministériu Dezenvolvimentu Rurál no Abitasaun Komunitária maka sira ne'ebé define ona iha ninia lei orgánika.

Artigu da 29.º

Ministériu Agrikultura, Pekuária, Peska no Florestas

1. Ministériu Agrikultura, Pekuária, Peska no Florestas maka departamentu governamentál ne'ebé responsavel ba konsesaun, ezekusaun, koordenaun no avaliaun polítika nian, ne'ebé define no aprova ona husi Konsellu Ministrus, iha área agrikultura, florestas, peskas no pekuária. Ministériu Agrikultura, Pekuária, Peska no Florestas iha responsabilidade, liuliu atu:
 - a) Propoin polítika no elabora projetu lejizlasaun no regulamentasaun nesesária ba ninia áreas ne'ebé nia tutela;
 - b) Asegura implementasaun no continuidade programa dezvoltimentu agríkola, iha koordenaun ho departamentu governamentál sira seluk ho atribuisoin iha área dezvoltimentu rurál;
 - c) Kria sentru apoiu tékniku ba agrikultór sira;
 - d) Promove investigasaun agrária no otimizasaun solu (rai) agríkola;
 - e) Kontrola uzu rai ba objetivu produsaun agropekuária nian;
 - f) Promove no fiskaliza produsaun no saúde animál;
 - g) Promove indústria agropekuária no peskeira;
 - h) Promove no fiskaliza produsaun ai-han, inklui produsaun fini sira;
 - i) Jere Servisus Kuarentena;
 - j) Promove, iha koordenaun ho Ministru Koordinadór Asuntus Ekonómikus, kona-ba dezvoltimentu rurál, hodi implementa sistema kooperativu ida iha produsaun no komersializasaun ba produsaun agríkola;

- k) Hala'ó estudu viabilidade ba instalasaun sistema irrigasaun no armazenamentu bee nian, nune'e mós edifikasaun ba ninia instalasaun sira;
 - l) Jere rekursu florestál no basias hidrográfikas (área ne'ebé delimita husi barreira topográfika ida, iha ne'ebé, bee ne'ebé maihusi udan been ne'ebé monu, sai mota ki'ik barak hodi sulin no halibur iha área refere hodi sai mota boot) iha koordenaun ho Ministru Koordenadór Asuntus Ekonómikus, Ministériu Turizmu no Ambiente no Ministériu Obras Públikas;
 - m) Promove produsaun planta industriál sira, hanesan kultura kafé;
 - n) Jere rekursus ídrikus (rekursu bee nian, iha rai leten ka husi rai okos) ba nesesidade agríkola nian;
 - o) Promove no fiskaliza setór peskas no akuakultura;
 - p) Estabelese mekanizmu kolaborasaun no koordenaun ho órgaun Governu nian sira seluk ne'ebé tutela ba áreas relevantes;
 - q) Jere Parke Nasionál, Área Protejida no Jardín Botániku;
 - r) Garante protesau no konservasaun ba natureza no biodiversidade, hodi supervizona implementasaun polítika no fiskaliza atividade ne'ebé bele estraga integridade fauna (balada) no flora (ai-horis) nasionál, iha kolaborasaun ho entidade relevantes.
2. Órgaun no servisu sira ne'ebé kompin Ministériu Agrikultura, Pekuária, Peska e Florestas maka sira ne'ebé define ona iha ninia lei orgánika.

Artigu 30.º

Ministériu Defeza

1. Ministériu Defeza maka departamentu governamentál ne'ebé responsavel ba konsesaun, ezekusaun, koordenaun no avaliasaun polítika nian, ne'ebé define no aprova ona husi Konsellu Ministrus iha área defeza nasionál no kooperasaun militar, Ministériu Defeza iha responsabilidade, liuliu atu:

- a) Propoin no ezekuta polítika kona-ba komponente militár defeza nasional nian;
 - b) Elabora projetu lejizlasaun no regulamentasaun nian ne'ebé nesesáriu ba área defeza;
 - c) Promove diplomasia estratéjiku-militár, hodi koordena no orienta atividade sira ne'ebé iha kompromisu militár ne'ebé asume iha ámbitu instrumentu direitu internasionál no akordu bilaterál no multilaterál sira, nune'e mós relasaun ho Estadu no organizmu internasionál sira ho karater militár, sein prejuízu ba atribuisoins próprias husi Ministériu Negósius Estranjeirus no Kooperasaun;
 - d) Asegura hodi mantein relasaun iha área polítika Defeza ho país no organizasaun internasionál sira seluk, sein prejuízu ba atribuisoins próprias husi órgaun soberania sira seluk no Ministériu Negósius Estranjeirus no Kooperasaun, iha ámbitu husi objetivu sira ne'ebé hatuur ona ba polítika timoroan nian iha rai li'ur;
 - e) Koordena no monitoriza, iha koordenasaun ho Ministériu Negósius Estranjeirus no Kooperasaun, asaun kooperasaun ne'ebé dezenvolve ona husi organizasaun internasionál sira, Estadu ka forsa defeza sira husi nasaun sira seluk ne'ebé fó apoiu ba desenvolvimentu ba ninia áreas tutela, iha ámbitu akordu internasionál sira ne'ebé temi iha alínea anteriór;
 - f) Administra no fiskaliza Forsas Defeza Timor-Leste;
 - g) Promove adekuasaun ekipamentus, rekursus, meius militár sira no akompaña no inspesiona ninia utilizasaun;
 - h) Fiskaliza navegasaun marítima no aérea ho fin militár nian;
 - i) Ezerse tutela, administra no fiskaliza Autoridade Marítima;
 - j) Estabelese mekanizmu kolaborasaun no koordenasaun ho órgaun sira seluk Governu nian ne'ebé tutela ba áreas relevantes.
2. Servisu no organizmu sira tuirmai Ministru Defeza maka sei tutela:
 - a) Institutu Defeza Nasionál (IDN)
 - b) Autoridade Marítima Nasionál.
 3. Órgaun no servisu sira ne'ebé kompoin Ministériu Defeza mak sira ne'ebé define ona iha ninia lei orgánika.

Artigu 31.º

Ministériu Petróleu no Rekursus Minerais

1. Ministériu Petróleu no Minerais maka departamentu governamentál ne'ebé responsavel ba konsesaun no ezekusaun polítika enerjética no jestaun rekursus minerais, ne'ebé inklui petróleu, gás naturál tuir define iha lezlasaun aplikavel, ne'ebé aprova ona husi Konsellu Ministrus, nune'e mós lisensiamentu no regulasaun ba atividade estrativa, atividade industriál ba benefisiasaun petróleu no gás naturál, no mineral sira, inklui petrokímika no refinasaun, Ministériu Petróleu no Minerais mak iha responsabilidade, liuliu atu:
 - a) Elabora no propoin polítika no projetu sira lezlasaun nian ba setór ne'e;
 - b) Estabelese sistema administrasaun no jestaun setoriál no regula atividade sira setór ne'e nian;
 - c) Garante Timor-Leste nia partisipasaun máxima iha atividade setór petróleu no gás naturál no rekursus minerais nian, liuhusi instrumentu jurídiku, administrativu no tékniku sira ne'ebé adekuaadu;
 - d) Promove oportunidade nasional sira iha setór ne'e atu dada no asegura investimentu esternu ne'ebé atribui ona ba iha nia;
 - e) Autoriza loke konkursu públiku ba selebrasaun kontratu petrolíferus, aprova ninia termu sira, no omóloga (aprova) relatóriu finál Komisaun Avaliasaun nian, hanesan hatuur ona iha Dekretu-Lei n. 7/2005, lora 19 fulan-outubru;
 - f) Monitoriza implementasaun ba Tratadu Internasionál relevantes, liuliu "Tratadu Entre Repúblika Demokrátika Timor-Leste ho Austrália ne'ebé Estabelese sira-nia Fronteiras Marítimas iha Tasi Timor", no akompaña ezekusaun setoriál husi instrumentu relevantes;
 - g) Apoia Primeiru-Ministru hodi hala'ó prosesu negosiál relasiona ho modelu dezvoltamentu kampu 'Greater Sunrise' nian ka matéria sira seluk ne'ebé iha relasaun ho ezersísiu jurisdisaun iha Tasi Timor, nune'e mós iha área "Rejime Espesiál Greater Sunrise" nian bazeia ba "Tratadu Entre Repúblika Demokrátika Timor-Leste ho Austrália Ne'ebé Estabelese Sira-nia Fronteiras iha Tasi Timor";

- h) Nomeia, hafoin aprovasaun husi Konsellu Ministrus, representante sira Timor-Leste nian iha Konsellu Supervizaun *Greater Sunrise* no aloka meius no rekursus ne'ebé presiza hodi apoia representante sira ne'e;
- i) Akonsella Governu kona-ba kestaun petrolífera no mineiras ne'ebé relasiona ho delimitasaun ketan tasik no ketan raik Repúblika Demokrátika Timor-Leste nian, no nomeia representante no konsultór sira hodi integra ninia ekipa técnicas;
- j) Apoia Primeiru-Ministru iha koordensaun no lideransa ba ezekeusaun projetu 'Tasi Mane', hodi kria estrutura jurídika no institusionál sira, no determina alokasaun rekursus ne'ebé konsidera nesesáriu ka adekua ba projetu ne'e, no atribui lisensa no monitoriza atividade sira ne'ebé dezenvolve ona iha zona territoriál ne'ebé dedika ba projetu 'Tasi Mane';
- k) Determina, bazeia ba kondisaun jerál ne'ebé prevee iha lei, termu kontratuál espesífiku sira ba prospeasaun no aproveitamentu rekursus petrolíferus, lisensa no kontratu mineirus;
- l) Asegura reserva mínima obrigatória ba kombustivel no ninia fornimentu regulár ba merkadu no ba unidade pública sira produsaun enerjia nian;
- m) Regula, autoriza no fiskaliza atividade sira setór petrolífera "downstream" nian, hanesan define ona iha Dekretu-Lei n. 1/2012, loron 1 fulan-fevereiru, no regulamentasaun komplementár, liuliu, prosesamentu, importasaun, esportasaun, transporte, armazenamentu, distribuisaun no komersializasaun, grosu ka retallu, kombustivel no produktu petrolíferu sira seluk, nune'e mós importasaun petróleu brutu no gás naturál no matéria-prima sira seluk ba refinaasaun no atividade petrokímika seluk tan;
- n) Asegura rekursu gás naturál ba konsumu doméstiku iha Timor-Leste, ba nesesidade abitasionais (hela-fatin) no industriais, promove no dezenvolve projetu sira no aprova lejizlasaun no regulamentasaun nesesáriu ba ninia distribuisaun no utilizaasaun ida ne'ebé eficiente no segura;

- o) Koordena, superviziona no atribui lisensa ba kualkér projetu regazeifikasaun gás naturál nian, no projetu similár ka asociadu sira seluk;
- p) Koordena, superviziona, regulamenta no atribui lisensa ba kualkér projetu iha área deskarbonizasaun, ne'ebé inklui projetu idrojénium no kaptura no utilizasaun karbonu (CCUS) iha rezervatórius jeolójikus no kavidades salinas;
- q) Promove no desenvolve iniciativa ho objetivu atu forma no kualifika traballadór timoroan sira ba atividade sira ne'ebé tutela, iha koordensaun ho ministériu no entidade pública ka privada relevante sira;
- r) Autoriza no atribui lisensa, *a jusante da extração* (hafoin halo tiha estrasaun mina-rai nia prosesu ba oin), ba projetu sira indústria transformadora nian relasiona ho prosesamentu, benefisiasaun, tratamentu, konversaun ka transformasaun petróleu brutu, gás naturál, ninia komponente no minerál sira, hanesan refinarias, unidades likefasaun gás ka petrokímika sira, no unidade prosesamentu minerais hanesan define ona iha Kódigu Mineiru;
- s) Konsidera kompleksidade no especialidade técnica, hodi halo prosedimentu lisenziamentu ambientál nian iha setor petróleu no gás no rekursus minerais nian, ne'ebé temi ona iha número ida-ne'e, no aprova lisensa ambientál sira ne'ebé korrespondente/loloos;
- t) Ezerse poder superintendência no tutela kona-ba administrasaun indireta Estadu nian, bele institusionál bele mós empresariál, ne'ebé atua iha setór ne'e, inklui mós subsidiárias direitu privadu empresas públicas nian, no empresa privada sira ne'ebé harii husi Estadu ne'e hodi atua iha setor ne'e;
- u) Desenvolve no promove koñesimentu no investigasaun ba estrutura jeolójika iha solu (rai-leten) no subsolu (rai-okos) no rekursus idrojeolójikus (rekursu bee no ninia propriedade sira) nasional nian;
- v) Propoin ba Konsellu Ministrus kona-ba enumerasaun no klasifikasaun minerais estratéjikus, hanesan prevee ona iha Kódigu Mineiru;

- w) Propoin ba Konsellu Ministrus atu aprova termus referénsia aplikavel iha kada konkursu públiku no aprova atribuisaun Direitus Mineirus nian;
 - x) Propoin ba Konsellu Ministrus hodi aprova modelu Kontratu Mineiru nian;
 - y) Tuir lei halo selebrasaun Kontratu Mineirus, hodi emite Lisensa Prospesaun, Peskiza no Produsaun no emite autorizasaun atu loke tan Direitus Minerais ne'ebé iha ona atu nune'e kobre Minerais seluk, nune'e mós continua hodi aprova estudu, relatóriu no projetu sira hotu ne'ebé mak iha nia kompeténsia;
 - z) Determina rezizaun (kanselamentu) ka resgate Direitus Mineirus, tuir termu legál no termu kontratu ne'ebé estabelese ona;
 - aa) Autoriza sesaun ka transmisaun direitus mineirus nian, nune'e mós alterasaun kontrolu ba sociedade ne'ebé mak iha direitus mineirus;
 - bb) Atua hanesan entidade benefisiária husi espropriasaun no halo prosesu espropriativu, bazeia ba lei n. 8/2017, loron 26 fulan-abríl, kona-ba espropriasaun ba utilidade pública no konstituisaun servidaun administrativas nesesárias hodi hala'ó atividade hosi ninia kompeténsia sira ka sujeita ba ninia supervizaun ka tutela;
 - cc) Atribuisaun sira seluk ne'ebé sei atribui ba nia tuir lejlzasaun espesífika aplikavel ba setor ne'e.
2. Servisu no organizmu sira tuirmai Ministru Petróleu no Rekursus Minerais maka sei tutela:
- a) Autoridade Nasionál Petróleu no Minerais, I.P. (ANPM);
 - b) Institutu Petróleu no Jeolojia, I.P. (IPJ);
 - c) TIMOR-GAP (Timor Gás & Petróleu), E.P.;
 - d) Kompañia Mineira Timor-Leste, S.A. (Murak Rai).
3. Órgaun no servisu sira ne'ebé kompoin Ministériu Petróleu no Rekursus Minerais maka sira ne'ebé define ona iha ninia lei orgánika.

Artigu 32. °

Ministériu Interiór

1. Ministériu Interior maka departamentu governamentál ne'ebé responsavel ba konsesaun, ezelesaun, koordenasaun no avaliasaun polítika, ne'ebé define no aprova ona husi Konsellu Ministrus, ba área seguransa interna, migrasaun no azilu nian, kontrolu fronteiras, protesauun sivíl, seguransa rodoviária no kooperasaun polisiál nian, Ministériu Interior mak iha responsabilidade, liuliu atu:
 - a) Propoin, koordena no ezelesaun polítika seguransa interna, migrasaun no azilu nian, kontrolu ba fronteiras, protesauun sivíl no seguransa rodoviária;
 - b) Partisipa iha definisaun, koordenasaun no ezelesaun ba polítika seguransa nasional;
 - c) Elabora projetu lejizlasaun no regulamentasaun nesesária ba ninia áreas ne'ebé nia tutela
 - d) Ezerse superintendénsia no tutela forsa no servisu seguransa Timor-Leste nian;
 - e) Ezerse poder dresaun, superintendénsia no tutela Autoridade Protesauun Sivíl nian, ne'ebé inklui Korpu Bombeirus;
 - f) Garante no mantein ba orden no trankilidade públikas;
 - g) Asegura protesauun liberdade no seguransa ba ema no ninia sasán sira;
 - h) Garante seguransa patrimóniu imobiliáriu no mobiliáriu Estadu;
 - i) Prevene no reprime kriminalidade;
 - j) Kontrola sirkulasaun ema iha fronteiras, entrada, ema ne'ebé hela metin no hela fatin, ema sira ne'ebé sai husi território nasional ba fali rai estranjeiru;
 - k) Kontrola atividade importasaun, fábrica, komersializasaun, lisençiamentu, detensaun no uzu armas, kilat musan no esplozivu sira, sein prejuizu ba atribuisaun própria husi órgaun sira seluk Governu nian;
 - l) Regula, fiskaliza no kontrola ezersíu atividade seguransa privada nian;

- m) Prevene katástrofe no asidente grave no fó protesau no sokorru (tulun) ba populasaun sira ne'ebé iha kazu inséndiu, bee sa'e, rai monu, rai nakdoko no iha situasaun hotu-hotu ne'ebé tau sira iha risku;
- n) Propoin no dezenvolve polítika no estratéjia iha jestaun risku dezastres nian;
- o) Dezenvolve no implementa programa iha jestaun risku dezastres nian, hanesan iha edukasaun sívika, prevensaun, mitigasaun, hatán ba situasaun emerjénsia no rekuperasaun hafoin dezastre iha artikulasaun ho entidade competente sira seluk kona-ba asuntu ne'e;
- p) Koordena no monitoriza Konsellu Seguransa Munisipál;
- q) Promove dezenvolvimentu kona-ba estratéjia prevensaun, mediasaun no rezolusaun konflitu komunitáriu;
- r) Promove adekuasaun/adaptasaun meius polisiais, akompaña no inspesiona ninia utilizasaun;
- s) Asegura hodi mantein relasaun sira iha área polítika seguransa interna nian ho nasaun no organizasaun internasionál sira seluk, sein prejuízu ba atribuisaun própria hosi Ministériu Negósius Estranjeirus no Kooperasaun rasik, iha ámbitu ba objetivu sira ne'ebé fiksa ona iha polítika esterna timoroan nian;
- t) Halo negosiasaun, liuhusi kondusaun/supervizaun Primeiru-Ministru nian no iha koordenaun ho Ministériu Negósius Estranjeirus no Kooperasaun, akordu internasionál sira iha asuntu seguransa interna, investigasaun kriminál, migrasaun no kontrolu ba fronteiras no protesau sívil;
- u) Koordena no Monitoriza, iha koordenaun ho Ministériu Negósius Estranjeirus no Kooperasaun, asaun sira kooperasaun nian ne'ebé dezenvolve ona husi organizasaun internasionál, Estadu ka forsa no servisu seguransa nian husi nasaun sira seluk, iha apoiu ba dezenvolvimentu ninia áreas ne'ebé tutela, iha ámbitu akordu internasionál sira ne'ebé temi ona iha alínea anteriór;
- v) Estabelese mekanizmu kolaborasaun no koordenaun ho órgaun sira seluk Governu nian ne'ebé tutela ba áreas relevantes.

2. Organizmu ne'ebé Ministru Interior sei tutela mak Autoridade Protesaun Sivíl.
3. Órgaun no servisu sira ne'ebé kompoin Ministériu Interior maka sira ne'ebé define ona iha ninia lei orgánika.

Artigu 33. °

Ministériu Solidariedade Sosiál no Inkluzau

1. Ministériu Solidariedade Sosiál no Inkluzau nu'udar departamentu governamental ne'ebé responsavel ba konsesaun, ezekusaun, koordenaun no avaliasaun política, ne'ebé define no aprova ona husi Konsellu Ministrus, ba área seguransa sosiál, assisténsia sosiál no reinsersaun komunitária, Ministériu Solidariedade Sosiál no Inkluzau mak iha responsabilidade, liuliu atu:
 - a) Kria no implementa sistema seguransa sosiál ba traballadór no populaun sira;
 - b) Dezenvolve programa assisténsia sosiál;
 - c) Promove ajuda umanitária ba kbiit-laek sira;
 - d) Propoin no dezenvolve política no estratéjia iha jestaun risku dezastre sira ho insidénsia sosiál;
 - e) Dezenvolve no implementa programa assisténsia sosiál iha jestaun risku dezastre nian, liuliu, iha resposta ba emerjénsia no rekuperasaun hafoin dezastre, iha koordenaun ho instituisaun relevante sira;
 - f) Disponibiliza akompañamentu, protesau no reinsersaun komunitária ba grupu vulneravel sira, inklui maluk sira ho nesesidade espesial no portadora defisiénsia sira (EHD);
 - g) Estabelese mekanizmu kolaborasaun no koordenaun ho órgaun sira seluk governu nian ne'ebé tutela ba áreas relevantes.
2. Servisu no organizmu sira tuirmai Ministra Solidariedade Sosiál no Inkluzau maka sei tutela:
 - a) Institutu Nasionál Seguransa Sosiál (INSS);
 - b) Fundu Reserva Seguransa Sosiál (FRSS);
 - c) Sentru Nasionál Reabilitasaun (SNR).

3. Órgaun no servisu sira ne'ebé kompoin Ministériu Solidariedade Sosiál no Inkluzaan maka sira ne'ebé define ona iha ninia lei orgánika.

Artigu 34.º

Ministériu Juventude, Desportu, Arte no Kultura

1. Ministériu Juventude, Desportu, Arte no Kultura maka departamentu governamental ne'ebé responsavel ba konsesaun, ezekusaun, koordenaun no avaliaun polítika ne'ebé define no aprova ona husi Konsellu Ministrus, ba área juventude, desportu, artes no kultura, Ministériu Juventude, Desportu, Arte no Kultura mak iha responsabilidade, liuliu atu:
 - a) Kria medidas polítika iha área juventude no desportu, nune'e mós ninia organizaun, finansiamentu, ezekusaun no avaliaun, hodi promove integraun ho iniciativa edukasaun nian;
 - b) Promove atividades ne'ebé haree liu ba prátika desportu no edukasaun fízika ein jerál, nune'e mós prátika desportiva ho kompetisaun nivel altu hanesan fatór dezvoltamentu desportivu no representaun país nian iha kompetisaun internasionál sira;
 - c) Asegura implementasaun kuadru legál no regulamenta atividade sira ne'ebé relasiona ho desportu no kompetisaun nivel altu;
 - d) Estabelese mekanizmu kolaboraun ho organizaun sosiedade sivíl nian ne'ebé atua iha área desportu;
 - e) Kria mekanizmu apoiu no finansiamentu projetu ba prátika edukasaun fízika no desportu;
 - f) Estabelese mekanizmu kolaboraun no koordenaun ho órgaun Governu nian sira seluk ne'ebé maka responsavel ba áreas relevantes iha âmbito implementasaun polítika nasional ba juventude no desportu no ba arte no kultura;
 - g) Promove polítika inkluzaan ativa iha área juventude no desportu, liuliu liuhusi medidas edukasaun inkluziva no partisipasaun husi ema sira ho defisiénsia;
 - h) Asegura no promove igualdade jéneru iha âmbito husi área hirak ne'ebé iha ninia kompeténsia, iha koordenaun ho entidade

publikas relevantes;

- i) Planeia no ezejuta sistema análise no monitorizasaun nian ida, atu nune'e avalia rezultadu no impaktu hosi política edukasaun, juventude no desportu nian;
 - j) Elabora política no regulamentu ba konservasaun, protesasaun no prezervasaun ba patrimóniu istóriku kulturál;
 - k) Propoin política ba definisaun no dezenvolvimentu artes no kultura;
 - l) Promove kriasaun sentru kulturál iha ámbitu munispál, iha artikulasaun ho administrasaun lokál ho objetivu atu promove koezaun nasional;
 - m) Estabelese política kooperasaun no interkámbiu kulturál ho nasaun sira CPLP nian no organizasaun kulturál sira no país sira iha rejiaun ne'e;
 - n) Dezenvolve programa, iha koordenasau ho Ministériu Edukasaun, ba introdusaun edukasaun artístika no kultura iha ensinu Timor-Leste;
 - o) Promove indústriá kriativa no kriasaun artístika iha Timor-Leste, iha ninia área oioin;
 - p) Garante prezervasaun adekuada ba dokumentu ofisiál no istóriku sira iha ninia área kompeténsia;
 - q) Proteje direitus ne'ebé iha relasaun ho kriasaun artístika no literária.
2. Servisu no organizmu sira tuirmai Ministru Juventude, Desportu, Arte no Kultura maka sei tutela:
- a) Museu Nasionál Timor-Leste, I.P.;
 - b) Biblioteca Nasionál Timor-Leste (BN).
3. Órgaun no servisu sira ne'ebé kompoin Ministériu Juventude, Desportu, Arte no Kultura maka sira ne'ebé define ona iha ninia lei orgánika

Artigu 35.º

Ministériu Planeamentu no Investimentu Estratéjiku

1. Ministériu Planeamentu no Investimentu Estratéjiku maka departamentu governamentál ne'ebé responsavel ba konsesaun, koordenasaun no avaliasaun polítika ne'ebé define no aprova ona husi Konsellu Ministrus, ba área promosaun dezenvolvimentu ekonómiku no sosiál nasaun nian, liuhusi planeamentu estratéjiku no integradu no rasionalizasaun ba rekursus finanseirus ne'ebé iha, hodi asume responsabilidade espesífika sira kona-ba implementasaun Planu Estratéjiku Dezenvolvimentu, liuliu kona-ba:
 - a) Infraestruturas no Planeamentu Urbanu;
 - b) Planeamentu no Ordenamentu Territóriu.
2. Ministériu Planeamentu no Investimentu Estratéjiku ninia kompeténsia mak atu planeia, propoin no koordena ezekusaun infraestruturas ne'ebé mak estratéjiku.
3. Ministériu Planeamentu no Investimentu Estratéjiku nia kompeténsia mós atu responsabiliza ba supervizaun qualidade serbisu no atividades ba ezekusaun projetus fízikus ne'ebé promove, dezenvolve ka finansia ona husi:
 - a) Fundu Infraestruturas ka sira seluk, ne'ebé ninia objetivu ka atribuisaun sira maka finansiamentu ba projetu estratéjiku plurianuál;
 - b) Diresaun Nasionál Parseria Públiku-Privadas Ministériu Finansas nian.
4. Ministériu Planeamentu no Investimentu, tuir númeru anteriores no bazeia ba dados estratéjikus no kadastru nian ne'ebé disponibiliza husi servisu competente sira, iha atribuisaun espesífika tuirmai, liuliu atu:
 - a) Avalia projetus kapitál dezenvolvimentu, ne'ebé bazeia ba análise kriterioza hosi viabilidade projetus no ninia kustu-benefísiu;
 - b) Supervizona, fiskaliza no sertifika implementasaun no ezekusaun projetus, hodi kontribui ba rasionalizasaun rekursus

- finanseirus ne'ebé iha no ba dezvoltimentu ekonómiku no atividade ekonómika, iha nivel nasional, munisipal no lokal;
- c) Planeia no kontrola kustu no qualidade projetus kapital dezvoltimentu nian;
 - d) Promove transparénsia no qualidade liuhusi prestasaun servisu aprovizionamentu ba projetus kapital dezvoltimentu;
 - e) Dezenvolve estudu, pareser no análise técnica no setorial sira ho objetivu atu avalia impaktu no viabilidade ekonómika hosi projetus dezvoltimentu;
 - f) Analiza no selesiona propostas investimentu ba nasaun ne'e;
 - g) Estuda, planeia no propoin política ba dezvoltimentu setorial;
 - h) Estuda, planeia no propoin política nasional ba ordenamentu territóriu, iha koordinasaun ho departamentu governamental competente sira kona-ba asuntu ne'e;
 - i) Ajuda hodi promove adosaun ba norma técnica no regulamentasaun kona-ba material sira ne'ebé utiliza iha konstrusaun sivil, no mos dezenvolve testes laboratorial hodi garante seguransa ba edificiu sira;
 - j) Apoia hodi dezenvolve kuadru legal no regulamentar ba atividade sira ne'ebé relasiona ho rekursus enerjétkus renováveis;
 - k) Apoia iha estudu kona-ba kapasidade rekursus enerjétku renovável no enerjia alternativa sira;
 - l) Mantein arkivu informasaun ida kona-ba operasaun no rekursus enerjétku renovável;
 - m) Kontribui hodi dezenvolve política nasional transportes no komunikasoin;
 - n) Ajuda hodi prepara no dezenvolve, iha kooperasaun ho serbisu públiku sira seluk, implementasaun ba planu rodoviária territóriu nasional;
 - o) Apoia koordinasaun no promosaun ba sistema ida kona-ba jestaun no manutensaun nomos modernizasaun infraestruturas aeroportuárias, navegasaun aérea, rodoviária, viária, portuárias no servisu relevantes;

- p) Promove kria saun Banku Dezenvolvimentu Nasionál, iha koordinasaun ho Ministru Koordinadór Asuntus Ekonómikus no ho Ministru Finansas;
 - q) Estuda, planeia no implementa ordenamentu territóriu no polítika nasional abitasaun, iha koordinasaun ho Ministérius kompetentes.
5. Servisu no organizmu sira tuirmai Ministru Planeamentu no Investimentu Estratéjiku maka sei tutela:
- a) Ajénsia Dezenvolvimentu Nasionál, I.P.(ADN);
 - b) Sekretariadu Grande Projetu;
 - c) Komisaun Nasionál Aprovizionamentu (KNA);
 - d) Sekretariadu Tékniku Fundu Dezenvolvimentu Kapítal Umanu.
6. Órgaun no servisu sira ne'ebé kompoin Ministériu Planeamentu no Investimentu Estratéjiku maka sira ne'ebé define ona iha ninia lei orgánika.

Sesaun V

Entidade no instituisaun sira seluk

Artigu 36.º

Administrasaun indireta

1. Tuir n.3 hosi artigu 115.º Konstituisaun Repúblika nian, Governu tuir deketu-lei ne'ebé bele kria pesoa koletiva publika, bele fó autonomia administrativa, finanseira no patrimoniál ba sira, iha superintendénsia ka tutela hosi membru Governu competente ba ninia área, ho objetivu atu fó satisfasaun ba nesesidades koletivas, bainhira verifica katak modalidade administrasaun indireta ne'e adekuada liu ba prosekusaun interese públiku no satisfasaun ba nesesidade sira ne'e.
2. Pesoa koletiva públika sira ne'ebé temi ona iha número anteriór bele kobre modalidade institutus públikus ka empresas públikas, hanesan define ona iha ninia diploma orgániku.

3. Institutus públikus bele ho forma servisu personalizadu, establesimentu públiku ka fundasaun públika sira ho termu sira ne'ebé sei define hosi lei, sei define ámbitu hosi ninia autonomia administrativa ka administrativa, finanseira no patrimoniál.

Artigu 37.º

Deskonsentrasaun administrativa

Departamentu governamentál sira hala'o sira-nia atribuisaun, bainhira bele, liuhusi delegasaun podér órgaun Administrasaun Sentrá Estaduanian ba órgaun Administrasaun Lokál Estadu, tuir prinsípiu deskonsentrasaun administrativa.

KAPÍTULU IV

DISPOZISAUN TRANZITÓRIUS NO FINAIS.

Artigu 38.º

Delegasaun kompeténsias.

1. Delegasaun kompeténsia sira ne'e tenke kontinua husi dirijente ho grau ierárkiku ne'ebé boot liu ba dirijente ne'ebé grau kí'ik liu, bazeia ba lei.
2. La bele delega kompeténsia sira ne'ebé determina ona tuir konstituisaun
3. Iha kazu sira seluk, bele halo delegasaun kompeténsias naran katak lei la bandu ho klaru no tenke iha dokumentu eskritu, hodi refere ninia ámbitu no durasaun.
4. Órgaun delegante nafatin responsabiliza ba aktu sira ne'ebé hala'o, uainhira ezerse podér ne'ebé delega husi ema ne'ebé simu delegasaun.
5. Delegasaun kompeténsia prodús de'it efeitus externus hafoin ninia publikasaun iha *Jornál Repúblika*.

Artigu 39.º
Kompeténsia ne'ebé bele delega

1. Tuirmai parte sira ne'ebé bele delega ezersísiu sira-nia kompeténsia rasik:
 - a) Primeiru-Ministru ba Vise-Primeirus-Ministrus ka ba membru Governu sira seluk;
 - b) Ministrus, ba membrus Governu ne'ebé tulun sira
2. Membrus governu bele delega kompeténsia relasiona ho servisu, organizmu, entidade no atividade sira ne'ebé depende ba membrus governu ne'e, iha dirigente sira Administrasaun Publika nian ka sira ne'ebé ekiparadu, ho fakuldade sub-delegasaun nian, bainhira lei permite no tenke temi duni iha instrumentu delegasaun nian.

Artigu 40.º
Estinsaun servisu

1. Servisu, organizmu no entidade hotu ne'ebé ninia enkuadramentu ministeriál hetan alterasaun, mantein natureza jurídika ne'ebé hanesan, no modifika de'it, tuir kazu sira, órgaun ne'ebé ezerse poder diresaun nian, ka superintendénsia no tutela.
2. Mudansa iha estrutura orgánika ne'ebé resulta husi diploma ida-ne'e akompaña ho movimentu pesoál ne'ebé konsekuente, sein dependénsia ba kualkér formalidade no sein halakon direitu sira ne'ebé hetan ona.
3. Sei halakon:
 - a) Ajénsia Nasionál ba Planeamentu, Monitorizasaun no Avaliasaun (ANAPMA);
 - b) Autoridade Nasionál ba Bee no Saneamentu, (ANAS, I.P.);
 - c) Autoridade Nasionál ba Eletrisidade (ANE, I.P.).

Artigu 41.º
Tranzisaun servिसus

1. Servisu órgaun no entidade hotu ne'ebé altera ninia enkuadramentu ministeriál, mantein natureza jurídika ne'ebé hanesan, modifika de'it, tuir kazu sira, órgaun ne'ebé ezerse poder diresaun, superintendénsia no tutela.
2. Alterasaun sira iha estrutura orgánika ne'ebé rezulta husi diploma ida-ne'e akompaña ho movimentu pesoál ne'ebé konsekuente, sein dependénsia ba kualkér formalidade no sein halakon direitu ne'ebé hetan ona.
3. Servisu sira ne'ebé pertense ba Ministériu Asuntus Parlamentares no Komunikasaun Sosiál ne'ebé la eziste ona sei integra ba Prezidénsia Konsellu Ministrus.
4. Ministériu Turizmu no Ambiente absorve servisu hotu husi Sekretaria Estadu Ambiente anteriór no servisu sira ne'ebé relasiona ho Turizmu husi Ministériu Komérsiu no Indústriá anteriór.
5. Servisu sira husi Sekretáriu Estadu Juventude no Desportu anteriór integra ba Ministériu Juventude, Desportu, Arte no Kultura, no servisu sira husi Ministériu Ensinu Superior, Siénsia no Kultura nian ne'ebé relasiona ho arte no kultura mós tranzita ba Ministériu ida-ne'e.
6. Ministériu Planu no Ordenamentu halakon ona, no servisu hotu-hotu, rekursus umanus, direitu no obrigasaun sira seluk transfere ba Ministériu Planeamentu no Investimentu Estratéjiku.
7. Ministériu Komérsiu no Indústriá troka Ministériu Turizmu, Komérsiu no Indústriá anteriór, no servisu sira ne'ebé relasiona ho turizmu transfere ba Ministériu Turizmu no Ambiente.
8. Direitu no obrigasaun sira ne'ebé titula husi ministériu, servisu, organizmu ka entidade sira ne'ebé altera ona tuir lei ida-ne'e, transfere automatikamente ba ministériu, servisu ka organizmu foun sira ne'ebé troka sira, sein dependénsia ba kualkér formalidade.

Artigu 42.º
Tranzisaun pesoál

1. Funسیونáriu Administrasaun Públiku sira ne'ebé hala'ó servisu iha Ministériu no Sekretária Estadu sira ne'ebé hetan estinsaun/halakon, ka modifikasaun tanba efeitu husi diploma ida-ne'e, no sira ne'ebé la aloka ba Ministériu susesór, aloka sira ba Komisaun Funsauñ Públika atu tuirmai koloka iha servisu seluk Administrasaun Públika nian.
2. Alokasaun ne'ebé refere iha número anteriór prodús efeitus ho aprovasaun ba alterasaun ka aprovasaun ba lei orgánika foun husi kada Ministériu.

Artigu 43.º
Gabinete membrus Governu nian.

Vise-Primeirus-Ministrus no membru Governu sira seluk ne'ebé prevee iha diploma ida-ne'e bele, bainhira sira la iha fundu spesífiku ne'ebé aloka ba funsionamentu gabinete ida-idak nian, uza fundu sira ne'ebé disponivel iha kapitulu orsamentál ne'ebé iha relasaun ho Dotasaun Jerál Estadu.

Artigu 44.º
Lei orgánika sira

1. Ministériu sira ne'ebé kria liuhosi diploma ida-ne'e ne'ebé altera ninia atribuisaun, iha prazu loron 60, sura hahú husi loron ne'ebé diploma ida-ne'e tama iha vigór, elabora ka altera ninia lei orgánika.
2. Orgánika husi departamentu oin-oin governu nian tenke halo-tuir kompeténsia husi ninia órgaun sentráal ho kompeténsia Administrasaun no Autoridade Munisipiu sira nian, hanesan define ona iha sira-nia estatutu normativu no tuir prinsípiu deskonsentralisaun administrativa.
3. Ho lei orgánika foun sira ne'ebé tama iha vigór, sei halakon nomeasaun no komisaun servisu titulár sira ba kargu diresaun ou xefia, no sira nafatin mantein sira nia kargu temporariamente to'o sira simu fali ka troka fali sira-nia knaar ne'e.

Artigu 45.º
Norma revogatória

Revoga Dekretu-Lei sira tuirmai ne'e:

- a) Dekretu-Lei n.14/2018, lora 7 fulan-agostu, no mós Dekretu-Lei n. 20/2020, lora 28 fulan-maiu, altera fali ho Dekretu-Lei n. 27/2020, lora 19 fulan-juñu no Dekretu-Lei n. 46/2022, lora 8 fulan-juñu.
- b) Dekretu-Lei n. 38/2020, lora 23 fulan-setembru;
- c) Dekretu-Lei n. 40/2020, lora 25 fulan-setembru;
- d) Dekretu-Lei n. 24/2021, lora 17 fulan-novembru, no mós Dekretu-Lei n. 39/2023, lora 31 fulan-maiu ne'ebé altera ona Dekretu-Lei ne'e.

Artigu 46.º
Tama iha Vigór

Diploma ida-ne'e tama iha vigór, iha lora tuirmai hafoin ninia publikasaun iha Jornál Repúblika.

Aprova ona iha Konsellu Ministrus iha lora 24 fulan-jullu tinan 2023.

Primeiru-Ministru,

Kay Rala Xanana Gusmão

Promulga iha

Publika bá.

Prezidente Repúblika,

José Ramos-Horta